

四庫全書薈要

• 乾隆御覽本

史部

欽定四庫全書薈要

史部

資治通鑑卷

四十九
五十

詳校官編修臣汪鏞



資治通鑑卷四十九

宋司馬光撰

胡三省音註

漢紀四十一

起柔兆敦牂盡旃蒙單閼凡十年

孝殤皇帝

諱隆和帝少子也謚法短折不成曰殤伏侯古今注曰隆之字曰盛

延平元年春正月辛卯以太尉張禹為太傅司徒徐防

為太尉叅錄尚書事太后以帝在襁褓

襁居兩翻褓音保

欲令

重臣居禁內乃詔禹舍宮中五日一歸府每朝見特贊

與三公絕席

特贊者每朝見贊拜者先獨贊禹名既乃贊太尉名以下禹不與三公同贊也絕席

者朝位獨在百僚上不與三公聯席也朝直遙翻見賢遍翻

封皇兄勝為平原王

癸卯以光祿勳梁鮪為司徒

鮪于軌翻

三月甲申葬孝

和皇帝于慎陵

賢曰慎陵在雒陽東南三十里

廟曰穆宗

丙戌清河

王慶濟北王壽河間王開常山王章始就國

濟子禮翻

太后

特加慶以殊禮

殊異也其禮異于諸王也

慶子祐年十三太后以帝

幼弱遠慮不虞留祐與嫡母耿姬居清河邸

為帝崩立祐張本

耿姬况之曾孫也

耿况以上谷從光武

祐母捷為左姬也

捷居言翻

夏四月鮮卑寇漁陽太守張顯率數百人出塞追

之兵馬掾嚴授諫曰前道險阻賊執難量

掾俞絹翻量音良

宜

且結營先令輕騎偵視之顯意甚銳怒欲斬之遂進兵

遇虜伏發士卒悉走唯授力戰身被十創手殺數人而

死

緣邊郡曹有兵馬掾掌兵馬領丑鄭翻創初良翻

主簿衛福功曹徐咸皆自

投赴顯俱沒于陳

陳讀曰陣

丙寅以虎賁中郎將鄧騭為

車騎將軍儀同三司

三司三公也晉職官志曰儀同三司之名始此騭職日翻

騭弟

黃門侍郎惔為虎賁中郎將弘閭皆侍中

惔苦回翻閭齒良翻

司空陳寵薨 五月辛卯赦天下 壬辰河東垣山崩

賢曰垣縣今絳州縣也

六月丁未以太常尹勤為司空 郡國

三十七雨水 己未太后詔減太官導官尚方內署諸

服御珍膳靡麗難成之物

賢曰太官令周官也秩千石典天子御膳導官掌擇御米

導擇也尚方掌作御刀劔諸器物內署掌內府衣物令秩皆六百石

自非供陵廟稻粱米

不得導擇朝夕一肉飯而已舊太官湯官經用歲且二

萬萬自是裁數千萬

百官志湯官丞主酒屬太官令

及郡國所貢皆減

其過半悉斥賣上林鷹犬

東都亦有上林苑在雒陽西斥開也棄也離宮別

館儲峙米糶薪炭悉令省之

峙文里翻
糶音備

丁卯詔免遣

掖庭宮人及宗室沒入者皆為庶民

秋七月庚寅敕

司隸校尉部刺史曰

司隸校尉及諸
州部刺史也

間者郡國或有水

災妨害秋稼朝廷惟咎憂惶悼懼

惟思也
咎過也

而郡國欲獲

豐穰虛飾之譽遂覆蔽災害

覆敷
又翻

多張墾田不揣流亡

揣初
委翻

競增戶口掩匿盜賊令姦惡無懲

隱蔽盜賊不以
上聞弗加誅討

使姦惡無
所懲艾

署用非次選舉乖宜貪苛慘毒延及平民

賢曰

平民謂
善人也

刺史垂頭塞耳阿私下比

塞悉則翻
比毗至翻

不畏于天

不愧于人

詩小雅何人斯之辭

假貸之恩不可數恃

數所

自今以

後將糾其罪二千石長吏其各實覈所傷害為除田租

芻橐

長知兩翻為于偽翻

八月辛卯帝崩

年二歲

癸丑殯于崇德

前殿

賢曰雒陽南宮有崇德殿

太后與兄車騎將軍隲虎賁中郎將

惺等定策禁中

惺苦回翻

其夜使隲持節以王青蓋車迎清

河王子祐

賢曰續漢志曰皇太子皇子皆安車朱班輪青蓋金華蚤皇子為王錫以乘之故曰王青

蓋車皇孫則綠車

齋于殿中皇太后御崇德殿百官皆吉服陪

位

賢曰不可以凶事臨朝改吉服也

引拜祐為長安侯

賢曰不即立為天子而封侯者

不欲從微即登皇位余謂先
封侯者用立孝宣帝故事也
乃下詔以祜為孝和皇帝

嗣又作策命有司讀策畢太尉奉上璽綬即皇帝位

上時

掌翻璽斯氏
翻綬音受

太后猶臨朝

公羊傳曰猶
者可止之辭

詔告司隸校尉

河南尹南陽太守曰每覽前代外戚賓客濁亂奉公

言其

挾執恣橫奉公之
吏為所濁亂也

為民患苦咎在執法怠懈不輒行其

罰故也

懈古
隘翻

今車騎將軍鶻等雖懷敬順之志而宗門

廣大姻戚不少賓客姦猾多干禁憲

賢曰干
犯也

其明加檢

敕勿相容護自是親屬犯罪無所假貸
九月六州大

水 丙寅葬孝殤皇帝于康陵

賢曰康陵在慎陵塋中庚地

以連遭

大水百姓苦役方中秘藏

賢曰方中陵中也冢藏之中故言秘也孔穎達曰凡天子

之葬掘地為方壙漢書謂之方中方中之內先累椁于其方中南面為羨道以蜃車載柩至壙說而載以龍輜從羨道而入至方中乃屬紼于棺之緘從上而下棺入于椁之中方上謂覆坑方石上

及諸工作

事減約十分居一

十分居一者減其九分也

乙亥殞石于陳留

陳留

郡在雒陽東五百三十里

詔以北地梁懂為西域副校尉

懂音勤校戶教

翻懂行至河西會西域諸國反攻都護任尚于疏勒尚

上書求救詔懂將河西四郡羌胡五千騎馳赴之懂未

至而尚已得解詔徵尚還以騎都尉段禧為都護西域

長史趙博為騎都尉禧博守它乾城

班超為都護居龜茲它乾城

城

小梁謹以為不可固乃譖說龜茲王白霸

譖古穴翻說輸芮翻龜茲

音丘

欲入共保其城白霸許之吏民固諫白霸不聽

慈

既入遣將急迎段禧趙博合軍八九千人龜茲吏民竝

叛其王而與溫宿姑墨數萬兵反共圍城謹等出戰大

破之連兵數月胡衆敗走乘勝追擊凡斬首萬餘級獲

生口數千人龜茲乃定

梁謹非不健鬪然終不能定西域者徒勇而無策畧也

冬十月四州大水雨雹

雨于具翻

清河孝王慶病篤上書

求葬樊濯宋貴人家旁

欲從其母也

十二月甲子王薨

乙

酉罷魚龍曼延戲

武帝元封二年作魚龍曼延戲今罷之曼音萬延衍面翻

尚書

郎南陽樊準以儒風寢衰上疏曰臣聞人君不可以不

學光武皇帝受命中興東西誅戰不遑啟處

處昌呂翻

然猶

投戈講藝

藝六藝也

息馬論道孝明皇帝庶政萬機無不簡

心

朱子曰簡閱也

而垂情古典游意經藝每饗射禮畢正坐自

講諸儒竝聽四方欣欣又多徵名儒布在廊廟每宴會

則論難行衍

賢曰衍衍和樂貌也難乃旦翻衍苦旱翻又苦汗翻

共求政化期門

羽林介冑之士悉通孝經

期門即虎賁士

化自聖躬流及蠻荒

是以議者每稱盛時咸言永平今學者益少

少詩詔翻

遠方

尤甚博士倚席不講

賢曰禮記曰凡侍坐于大司成者遠間三席又曰若非飲食之客則

布席席間函文注云謂講問客也倚席言不施講坐也

儒者競論浮麗忘蹇蹇之

忠習譏諫之辭

賢曰譏諫諂言也音踐前書曰昔秦穆公說譏諫之言

臣愚以為

宜下明詔博求幽隱寵進儒雅以俟聖上講習之期

時安

帝始年十三故請求儒雅以俟講習

太后深納其言詔公卿中二千石各

舉隱士大儒務取高行以勸後進

行下

妙簡博士

妙精也簡

擇必得其人也

孝安皇帝上

諱祐肅宗孫也父曰清河孝王慶謚法寬容和平曰安伏侯古今注曰祐

之字曰福

永初元年春正月癸酉朔赦天下

蜀郡徼外羌內屬

徼吉弔

翻下同

二月丁卯分清河國封帝弟常保為廣川王

廣川縣屬信都國賢曰故城在今冀州棗強縣東北

庚午司徒梁鮪薨三月

癸酉日有食之己卯永昌徼外僬僿種夷陸類等舉

種內附

永昌郡在雒陽西七千二百六十里焦僥國人長不過三尺徵吉弔翻焦茲消翻僥倪么翻種

章勇

甲申葬清河孝王于廣丘

廣丘在清河厓縣後更名甘陵

司空

翻

宗正護喪事儀比東海恭王

恭王葬見四十五卷明帝永平元年考異曰帝紀

書車騎將軍

護葬今從傳

自和帝之喪鄧騭兄弟常居禁中騭不

欲久在內連求還第太后許之夏四月封太傅張禹太

尉徐防司空尹勤車騎將軍鄧騭城門校尉鄧悝虎賁

中郎將鄧弘黃門郎鄧閭皆為列侯

禹安鄉侯防龍鄉侯騭上蔡侯悝葉

侯弘西平侯閭西華侯閭音昌

考異曰表紀前作閭後作闔蓋誤

食邑各萬戶騭以定

策功增三千戶鴈及諸弟辭讓不獲遂逃避使者間關

詣闕

賢曰間關猶崎嶇也

上疏自陳至于五六乃許之五月甲

戌以長樂衛尉魯恭為司徒

樂音洛

恭上言舊制立秋乃

行薄刑自永元十五年以來改用孟夏

事見上卷

而刺史太

守因以盛夏徵召農民拘對考驗連滯無已

連謂獄辭相連及也

滯謂留滯不決也

上逆時氣下傷農業案月令孟夏斷薄刑者

謂其輕罪已正

謂已結正也斷丁亂翻下同

不欲令久繫故時斷之

也臣愚以為今孟夏之制可從此令其決獄案考皆以

立秋為斷又奏孝章皇帝欲助三正之微定律著令斷

獄皆以冬至之前

事見四十七卷章帝元和三年

小吏不與國同心者

率十一月得死罪賊不問曲直便即格殺雖有疑罪不

復讞正

復扶又翻讞魚列翻又魚戰翻又魚蹇翻議獄也

可令大辟之科

辟毗亦翻

盡冬月乃斷朝廷皆從之 丁丑詔封北海王睦孫壽

光侯普為北海王

和帝永元八年北海王威自殺今復紹封壽光縣本屬北海後屬樂安國

九真徼外夜郎蠻夷舉土內屬 西域都護段禧等

雖保龜茲而道路隔塞

塞悉則翻

檄書不通公卿議者以為

西域阻遠數有背叛

數所角翻背蒲妹翻

吏士屯田其費無已六

月壬戌罷西域都護

和帝永元三年復置西域都護今罷

遣騎都尉王弘

發關中兵迎禧及梁懂趙博伊吾盧柳中屯田吏士而

還初燒當羌豪東號之子麻奴隨父來降

東號降見四十七卷

和帝永元元年降戶江翻

居于安定時諸降羌布在郡縣皆為吏民

豪右所徭役

徭使也

積以愁怨及王弘西迎段禧發金城

隴西漢陽羌數百千騎與俱郡縣迫促發遣羣羌懼遠

屯不還行到酒泉頗有散叛諸郡各發兵邀遮或覆其

廬落于是勒姐當煎大豪東岸等愈驚遂同時犇潰

音姐

紫且翻
又音紫

麻奴兄弟因此與種人俱西出塞漠零與鍾羌

諸種大為寇掠斷隴道

零音憐續漢書曰鍾羌九千餘戶在隴西臨洮谷隴道隴坻之

道也種章勇
翻斷丁管翻

時羌歸附既久無復器甲或持竹竿木枝

以代戈矛或負板案以為楯

楯食尹翻

或執銅鏡以象兵

鏡銅

映日人遙望
之以為兵也

郡縣畏懦不能制丁卯赦除諸羌相連結

謀叛逆者罪

秋九月庚午太尉徐防以災異寇賊策

免三公以災異免自防始辛未司空尹勤以水雨漂流

策免 仲長統昌言曰

仲姓也商湯左相仲虺周有仲山甫舜十六相有仲堪仲熊周

八士有仲突仲忽

光武皇帝愠數世之失權忿彊臣之竊命

賢曰

昌當也愠猶恨也數世謂元成哀平彊臣謂王莽

矯枉過直政不任下雖置三

公事歸臺閣

賢曰臺閣謂尚書余謂三公失職非至光武時始然也自武帝游宴後庭用宦者處

樞機至于宣帝專任恭顯而丞相御史取充位事歸臺閣其所由來者漸矣

自此以來三公

之職備員而已然政有不治猶加譴責而權移外戚之

家寵被近習之豎

義被皮翻

親其黨類用其私人內充京師

外布州郡顛倒賢愚貿易選舉

賢音茂

疲騫守境

騫音奴騫駘馬

之下乘以諭
不才之吏

貪殘牧民撓擾百姓

撓音火
高翻

忿怒四夷招

致乖叛亂離斯瘼

用詩語賢
曰瘼病也

怨氣並作陰陽失和三光

虧缺怪異數至

數所
角翻

蟲螟食稼水旱為災此皆感官之

臣所致然也反以策讓三公至于死免乃足為叫呼蒼

天號咷泣血者矣

放聲而哭曰號咷號
戶刀翻咷徒刀翻

又中世之選三

公也務于清慤謹慎循常習故者是乃婦女之檢押

賢曰

檢押猶規矩也揚子曰蠡迪檢押注云檢押猶鄉曲之

隱括也毛晃曰檢押檢束也輔也俗作檢押非

常人耳惡足以居斯位邪

惡音烏
下同

執既如彼選又如此

而欲望三公勲立于國家績加于生民不亦遠乎昔文

帝之于鄧通可謂至愛而猶展申屠嘉之志

事見十四卷文帝後

二夫見任如此則何患于左右小臣哉至如近世外戚

宦豎請託不行意氣不滿立能陷人于不測之禍惡可

得彈正者哉曩者任之重而責之輕今者任之輕而責

之重光武奪三公之重至今而加甚不假后黨以權數

世而不行蓋親疎之執異也

賢曰言光武奪三公重任今奪更甚光武不假后黨

威權數代遂不遵行此為三公疏后黨親故也

今人主誠專委三公分任責成

而在位病民

病民謂百姓受其害也

舉用失賢百姓不安爭訟不

息天地多變人物多妖

妖于驕翻

然後可以分此罪矣

士

午詔太僕少府減黃門鼓吹以補羽林士

漢官儀曰黃門鼓吹百四

十五人羽林左監主羽林八百人右監主九百人杜佑曰漢代有黃門鼓吹享宴食舉樂十三曲與魏代鼓吹長簫伎錄並云絲竹合作執節者歌又建初錄云務成黃爵玄雲遠期皆騎吹曲非鼓吹曲此則列于殿庭者為鼓吹今之從行者為騎吹二曲異也孫權觀魏武軍作鼓吹而還應是此鼓吹魏晉代給鼓吹甚輕牙門督將五校悉有鼓吹齊梁至陳則重矣今代短簫鏡歌亦謂之鼓吹蔡邕曰鼓吹軍樂也黃帝岐伯所作以揚威武勸士諷敵也雍門周說孟嘗君鼓吹于不測之淵說者云鼓自一物吹自竽籥之屬非簫鼓合奏別為一樂

之名也然則短簫鏡歌此時未名鼓吹矣宋白曰鼓吹
據崔豹古今注張騫使西域得摩訶梵勒一曲李延年
增之分為二十八曲梁置清商鼓吹令二人唐又有搖
鼓金鉦大鼓長鳴歌簫笳笛合為鼓吹十二案大享會
則設于廐馬非乘輿常所御者皆減半食賢曰乘輿所
懸外乘車輿也不

敢斥言尊者故稱乘輿諸所造作非供宗廟園陵之用
見蔡邕獨斷乘繩證翻

皆且止 庚寅以太傅張禹為太尉太常周章為司空

大長秋鄭衆中常侍蔡倫等皆秉勢豫政周章數進

直言

數所
角翻

太后不能用初太后以平原王勝有痼疾而

貪殤帝孩抱養為己子故立焉及殤帝崩羣臣以勝疾

非痼意咸歸之太后以前不立勝恐後為怨乃迎帝而

立之周章以衆心不附密謀閉宮門誅鄧騭兄弟及鄭

衆蔡倫刼尚書廢太后于南宮封帝為遠國王而立平

原王事覺冬十一月丁亥章自殺 戊子敕司隸校尉

冀并二州刺史民訛言相驚弃捐舊居老弱相攜窮困

道路其各敕所部長吏躬親曉喻長知兩翻若欲歸本郡在

所為封長檄不欲勿彊為于偽翻賢曰封謂印封之也長檄猶今長牒也欲歸者皆給

以長牒為驗
彊音其兩翻

十二月乙卯以潁川太守張敏為司空

詔車騎將軍鄧騭征西校尉任尚將五營及諸郡兵

五萬人

五營北軍五校營也

屯漢陽以備羌

考異曰帝紀在六月今從西羌傳

是歲郡國十八地震四十一大水二十八風雨雹

鮮卑大人燕荔陽詣闕朝賀太后賜燕荔陽王印綬赤

車參駕

赤車者帷裳銜輓皆赤參駕者駕二馬燕于賢翻荔力計翻

令止烏桓校尉

所居寧城下

寧城屬上谷郡

通胡市因築南北兩部質館

賢曰築館

以受降質質音致下同

鮮卑邑落百二十部各遣入質

二年春正月鄧騭至漢陽諸郡兵未至鍾羌數千人擊

敗隲軍于冀西

冀縣之西也
敗補邁翻

殺千餘人梁懂還至燉煌

自西域還也
燉徒門翻

逆詔懂留為諸軍援

逆迎也

懂至張掖

張掖郡在

雒陽西四千二百里應劭曰
張掖者言為國張臂掖也

破諸羌萬餘人其能脫者

十二三進至姑臧羌大豪三百餘人詣懂降並慰譬遣

還故地御史中丞樊準以郡國連年水旱民多飢困

上疏請令大官尚方考功上林池籩諸官實減無事之

物賢曰前書百官表少府掌山海池澤之稅屬官有太
官考工尚方上林中十池監太官掌御膳飲食考工

主作器械尚方主作刀劍實減謂實
覈其數減之也功當作工籩偶許翻

五府調省中都官

吏京師作者

賢曰五府謂太傅太尉司徒司空大將軍也調徵發也省減也中都官吏在京師之

官吏也作謂營作者也余按是時不拜大將軍獨鄧騭為車騎將軍耳調徒弔翻

又被災之郡

百姓凋殘恐非賑給所能勝贍

被皮義翻勝音升

雖有其名終

無其實可依征和元年故事

賢曰武帝征和元年詔曰當今務在禁苛暴止擅賦

力本農桑毋乏武備而已予據此乃征和四年詔也征和元年當有遣使慰安故事遣使持節慰

安尤困乏者徙置荆揚孰郡

孰古熟字通

今雖有西屯之役

宜先東州之急

西屯謂討羌之師東州謂雒陽以太后東冀充諸州被水旱也先悉薦翻

太后

從之悉以公田賦與貧民

賦布也

即擢準與議郎呂倉並

守光祿大夫二月乙丑遣準使冀州倉使兗州稟貸流

民咸得蘇息

稟給也貸施也死而更生曰蘇氣絕而復續曰息

夏旱五月丙

寅皇太后幸雒陽寺

賢曰寺官舍也風俗通曰寺嗣也理事之吏嗣續于其中

及若

盧獄

前漢有若盧獄屬少府漢舊儀曰主鞠將相大臣東都初省和帝永元九年復置

錄囚徒

雒陽有囚實不殺人而被考自誣羸困輿見

輿復輿也獄囚被掠

委困者以復輿處之師古曰編竹木以爲輿形如今之食輿見賢遍翻復音編

畏吏不敢言將

去舉頭若欲自訴太后察視覺之即呼還問狀具得枉

實

得其見枉之實也

即時收雒陽令下獄抵罪

下還稼翻

行未還宮

澍雨大降

澍音注又殊遇翻時雨也

六月京師及郡國四十大水

大風雨雹

東觀記曰雹大如筭魁鷄子風拔樹發屋雨于具翻

秋七月太白入

北斗

晉書天文志北斗七星在太微北七政之樞機陰陽之元本也故運乎中央而臨制四方所以建四

時而均五行也天文志曰太白入斗中為貴相凶

閏月廣川王常保薨無子

國除

癸未蜀郡徵外羌舉土內屬

東觀記曰徵外羌薄申等八種舉衆

降徵吉弔翻

冬鄧騭使任尚及從事中郎河內司馬鈞率

諸郡兵與滇零等數萬人戰于平襄

平襄縣屬漢陽郡賢曰故襄戎邑零

音尚軍大敗死者八千餘人羌衆遂大盛朝廷不能制

湟中諸縣粟石萬錢百姓死亡不可勝數而轉運難劇

劇甚也勝音升

故左校令河南龐參

將作大匠屬官有左右校令各一人秩六百石左校

令掌左工徒右校令掌右工徒校戶教翻龐皮江翻

先坐法輪作若盧使其子俊

上書曰方今西州流民擾動而徵發不絕水潦不休地

力不復

賢曰言其耗損不復于舊

重之以大軍

重直用翻

疲之以遠戍農

功消于轉運資財竭于徵發田疇不得墾闢禾稼不得

收入搏手困窮

賢曰兩手相搏言無計也

無望來秋百姓力屈不復

堪命

復扶又翻

臣愚以為萬里運糧遠就羌戎不若總兵養

衆以待其疲車騎將軍隲宜且振旅

傳曰三年而治兵入而振旅書曰班

師振旅振整也整衆而還也

留征西校尉任尚使督涼州士民轉居

三輔

參建棄涼州之議發于此書

休徭役以助其時止煩賦以益其

財令男得耕種女得織紵

賢曰紵音如深翻杜預注左傳云織紵織繒布也字釋云

紵機縷也又如沁翻

然後畜精銳乘懈沮出其不意攻其不備則

邊民之仇報犇北之耻雪矣

懈古隘翻沮在呂翻

書奏會樊準上

疏薦參太后即擢參于徙中召拜謁者使西督三輔諸

軍屯十一月辛酉詔鄧騭還師留任尚屯漢陽為諸軍

節度遣使迎拜隲為大將軍既至使大鴻臚親迎中常

侍郊勞

臚陵如翻勞力到翻

王主以下候望于道寵靈顯赫光震

都鄙

王主諸王及諸公主也鄧隲西征無功而還當引罪求自貶以謝天下據執持權冒受榮寵于心安

乎君子是以知其不終也

滇零自稱天子于北地招集武都參狼

羌居武都者為參狼種參所替翻

上郡西河諸雜種羌斷隴道寇鈔三

輔

斷丁管翻鈔楚交翻

南入益州殺漢中太守董炳梁懂受詔當

屯金城聞羌寇三輔即引兵赴擊轉戰武功美陽間

武功

美陽二縣屬扶風

連破走之羌稍退散

十二月廣漢塞外參

狼羌降

此與武都參狼同種而分居廣漢塞外者也

是歲郡國十二地震

三年春正月庚子皇帝加元服赦天下

遣騎都尉任

仁督諸郡屯兵救三輔仁戰數不利

數所角翻

當煎勒姐羌

攻沒破羌縣

破羌縣屬金城縣

鍾羌攻沒臨洮縣執隴西南部

都尉

臨洮縣隴西南部都尉治所洮土刀翻

三月京師大飢民相食壬

辰公卿詣闕謝詔務思變復以助不逮

變改也改過以復于善也

壬寅司徒魯恭罷恭再在公位

和帝永元十二年恭代呂蓋為司徒永初元年

復代梁鮪為司徒

選辟高第至列卿郡守者數十人

此謂恭府掾屬之高

第也守而門下者生

耆老也

或不蒙薦舉至有怨望者恭

聞之曰學之不講是吾憂也

論語孔子之言

諸生不有鄉舉者

乎

賢曰言人患學之不習耳若能究習自有鄉里之舉宜要待三公之辟乎

終無所言亦不

借之議論學者受業必窮核問難

難乃且翻

道成然後謝遣

之學者曰魯公謝與議論不可虛得

夏四月丙寅以

大鴻臚九江夏勤為司徒

三公以國用未足奏令吏

民入錢穀得為關內侯虎賁羽林郎五官大夫官府吏

緹騎營士各有差

五官亦郎也大夫光祿太中中散諫議大夫也官府吏給事諸官府者賢

曰續漢志曰執金吾緹騎二百人緹赤黃色
營士謂五校營士也緹丁禮翻又丁奚翻

甲申清

河愍王虎威薨無子五月丙申封樂安王寵子延平為

清河王奉孝王後 六月漁陽烏桓與右北平胡千餘

寇代郡上谷 漢人韓琮隨匈奴南單于入朝

漢人與匈奴錯

居韓琮因事南單于琮徂宗翻

既還說南單于云

說式為翻

關東水潦人民

飢餓死盡可擊也單于信其言遂反

秋七月海賊張

伯路等寇濱海九郡殺二千石令長

長知兩翻

遣侍御史巴

郡龐雄督州郡兵擊之伯路等乞降尋復屯聚

復扶又翻

九月鴈門烏桓率衆王無何允與鮮卑大人丘倫等及

南匈奴骨都合七千騎寇五原與太守戰于高渠谷

賢曰

東觀記戰九原高渠梁谷渠梁相類必有誤

漢兵大敗南單于圍中郎將耿

种于美稷

使匈奴中郎將也种音冲

冬十一月以大司農陳國何熙

行車騎將軍事中郎將龐雄為副將五營及邊郡兵二

萬餘人又詔遼東太守耿夔率鮮卑及諸郡共擊之以

梁懂行度遼將軍事雄夔擊南匈奴莫鞬日逐王破之

莫于六翻鞬居言翻

十二月辛酉郡國九地震乙亥有星孛

于天苑

晉書天文志天苑十六星在昴畢南天子之苑園養獸之所也李蒲內翻

是歲京師

及郡國四十一雨水并涼二州大飢人相食太后以

陰陽不和軍旅數興

數所角翻

詔歲終饗遣衛士勿設戲作

樂

西都之制歲盡衛卒交代上臨饗罷遣之續漢志曰饗遣故衛士儀百官會位定謁者持節引故衛士入

自端門衛司馬執幡鉦護行行定侍御史持節慰勞以詔恩問所疾苦受其章奏所欲言畢饗賜作樂觀以角

抵樂闕罷遣

減逐疫偃子之半

賢曰偃子逐疫之人也音振薛綜注西京賦云

勸以農桑

偃之言善也善童幼子也續漢書曰大儺選中黃門子弟年十歲以上十二以下百二十人為偃子皆赤幘皂

製執大靴

四年春正月元會徹樂不陳充庭車

賢曰每大朝會必陳乘輿法物車輦

于庭以年飢故不陳

鄧騭在位頗能推進賢士薦何熙李邵等

列于朝廷

邵易閭翻

又辟弘農楊震已郡陳禪等置之幕府

天下稱之震孤貧好學明歐陽尚書通達博覽諸儒為

之語曰關西孔子楊伯起

楊震字伯起居弘農在函谷關之西

教授二十

餘年不荅州郡禮命

禮謂延聘之禮命謂辟置之命

衆人謂之晚暮

謂歲

月已老而出仕遲也

而震志愈篤騭聞而辟之時震年已五十餘

累遷荊州刺史東萊太守

郡國志東萊郡在雒陽東三千一百二十八里

當之

郡道經昌邑

昌邑縣屬山陽郡賢曰昌邑故城在今兗州金鄉縣西北

故所舉荊州

茂才王密為昌邑令夜懷金十斤以遺震

遺于季

震曰

故人知君君不知故人何也密曰暮夜無知者震曰天

知地知我知子知何謂無知者密愧而出後轉涿郡太

守

郡國志涿郡在雒陽東北千八百里

性公廉子孫常蔬食步行

食不魚肉行不

車騎也

故舊或欲令為開產業

為于偽翻

震不肯曰使後世稱

為清白吏子孫以此遺之不亦厚乎張伯路復攻郡

縣殺守令

復扶又翻下同

黨眾浸盛詔遣御史中丞王宗持節

發幽冀諸郡兵合數萬人徵宛陵令扶風法雄為青州

刺史

宛陵縣屬河南尹法姓也齊襄王法章之後秦滅齊子孫不敢稱田姓故以法為氏

與宗并

力討之

南單于圍耿种數月梁懂耿夔擊斬其別將

于屬國故城

班志西河美稷縣屬國都尉治故城蓋在美稷縣界將即亮翻下同

單于自

將迎戰懂等復破之單于遂引還虎澤

班志西河郡轅羅縣虎澤在西

北師古避唐諱以虎為武

丙午詔減百官及州郡縣奉各有差

奉讀

曰二月南匈奴寇常山滇零遣兵寇褒中

褒中縣屬漢中郡古

褒國也賢曰今

漢中太守鄭勤移屯褒中任尚軍久出

梁州褒城縣

無功民廢農桑乃詔尚將吏民還屯長安罷遣南陽潁

川汝南吏士乙丑初置京兆虎牙都尉于長安扶風都

尉于雍如西京三輔都尉故事

賢曰漢官儀京兆虎牙扶風都尉以京州近羌

數犯三輔將兵衛護園陵扶風都尉居雍故俗人稱雍營西京三輔京兆有京輔都尉馮翊有左輔都尉扶風

有右輔都尉

謁者龐參說鄧騭

說輸

徙邊郡不能自存者入

居三輔隲然之欲棄涼州并力北邊乃會公卿集議隲

曰譬若衣敗壞一以相補猶有所完

壞音怪

若不如此將

兩無所保郎中陳國虞詡言于太尉張禹曰若大將軍

之策不可者三先帝開拓土宇劬勞後定而今憚小費

舉而棄之此不可一也涼州既棄即以三輔為塞

隴西安定

北地皆涼州所部涼州既棄則三輔為極邊

則園陵單外此不可二也嘯曰

關西出將關東出相

賢曰說文嘯傳言也前書秦漢以來山西出將山東出相秦時鄧白

起潁陽王翦漢興義渠公孫賀傅介子成紀李廣李蔡上邽趙充國狄道辛武賢皆名將也丞相則蕭曹魏丙韋平孔翟之類也烈士武臣多出涼州土風壯猛便習兵事今

羌胡所以不敢入據三輔為心腹之害者以涼州在後

故也涼州士民所以推鋒執銳蒙矢石于行陳

行戶剛翻陳請

陣曰父死于前子戰于後無反顧之心者為臣屬于漢故

也為于今推而捐之推通割而弃之民庶安土重遷必

偽翻

回翻

引領而怨曰中國弃我于夷狄雖赴義從善之人不能

無恨如卒然起謀

卒讀曰猝

因天下之飢散乘海內之虛弱

英雄相聚量材立帥

量音良帥所類翻

驅氏羌以為前鋒席卷

而東雖賁育為卒太公為將

賁音奔將即亮翻

猶恐不足當禦

如此則函谷以西園陵舊京非復漢有

復扶又翻

此不可三

也是後北宮伯玉王國閭忠馬騰韓遂之變卒如調言

賢曰席卷言無餘也前書曰雲徹席卷後無餘災也

余謂席卷者言其勢便易也

議者喻以補衣猶有所完詡恐其疽食

侵淫而無限極也

賢曰疽癰瘡也余謂食者言其侵食肌肉也

禹曰吾意不

及此微子之言幾敗國事

微無也幾居希翻

詡因說禹收羅涼

土豪桀

說輸芮翻

引其牧守子弟于朝

守式又翻朝直遙翻

令諸府各

辟數人外以勸厲答其功勤內以拘致防其邪計禹善

其言更集四府皆從詡議于是辟西州豪傑為掾屬拜

牧守長吏子弟為郎以安慰之

掾俞絹翻長知兩翻下同

鄧隲由是

惡詡欲以吏法中傷之

惡烏路翻中竹仲翻

會朝歌賊甯季等數

千人攻殺長吏屯聚連年州郡不能禁乃以詡為朝歌

長朝歌縣屬河內郡賢曰朝歌故城在今衛州衛縣西故舊皆弔之謂其將得罪也詡笑

曰事不避難臣之職也不遇繁根錯節無以別利器斤

斧自喻也此乃吾立功之秋也始到謁河內太守馬稜別彼列翻

稜曰君儒者當謀謨廟堂乃在朝歌甚為君憂之為于偽翻

詡曰此賊犬羊相聚以求溫飽耳願明府不以為憂稜

曰何以言之詡曰朝歌者韓魏之郊賢曰韓界上黨魏界河內相接太行

故云背太行背蒲妹翻臨黃河去敖倉不過百里而青郊也行戶剛翻

冀之民流亡萬數賊不知開倉招衆劫庫兵守成臯斷

天下右臂

賢曰右臂喻要便也余謂右臂之說祖張儀見三卷周報王四年斷丁管翻

此不

足憂也今其衆新盛難與爭鋒兵不厭權願寬假轡策

勿令有所拘閼而已

謂欲用度外之人以制羣盜恐郡家循常襲故以文法繩之故先以

此言于稜賢曰閼與礙同

及到官設三科以募求壯士自掾史以下

各舉所知

百官志縣有廷掾猶郡之五官掾也監鄉部春夏為勸農掾秋冬為制度掾史則有獄史

佐史斗食令史掾史幹小史

其攻劫者為上傷人偷盜者次之不事

家業者為下收得百餘人詔為饗會悉貫其罪

此三等

少年負宿罪者也悉貫之使入賊為間為于偽翻貫始制翻

使入賊中誘令劫掠乃

伏兵以待之遂殺賊數百人

誘賊出劫掠而伏兵殺之誘音酉

又潛遣

貧人能縫者傭作賊衣以采線縫其裾有出市里者吏輒禽之賊由是駭散咸稱神明縣境皆平 三月何熙

軍到五原曼柏暴疾不能進遣龐雄與梁懂耿种將步騎萬六千人攻虎澤連營稍前單于見諸軍並進大恐

怖

怖普布翻

顧讓韓琮曰汝言漢人死盡今是何等人也

賢曰

顧反也讓責也乃遣使乞降許之單于脫帽徒跣對龐反顧責韓琮也

雄等拜陳道死罪

自陳謝罪言當死也

于是赦之遇待如初乃還

所鈔漢民男女

鈔楚交翻

及羌所畧轉賣入匈奴中者合萬

餘人會熙卒即拜梁懂為度遼將軍龐雄還為大鴻臚

先零羌復寇褒中

復扶又翻下同

鄭勤欲擊之主簿段崇諫

以為虜乘勝鋒不可當宜堅守待之勤不從出戰大敗

死者三千餘人段崇及門下史王宗原展

周原伯之後有原莊公又

晉卿先軫邑于原子孫以為氏又孔子弟子有原憲

以身扞刃與勤俱死

郡門下有據有

史

徙金城郡居襄武

襄武縣屬隴西郡賢曰今渭州縣

戊子杜陵園

火宣帝陵園也

癸巳郡國九地震

夏四月六州蝗

東觀記曰

司隸豫兗徐青冀六州

丁丑赦天下

王宗法雄與張伯路連

戰破走之會赦到

赦書到也

賊以軍未解甲不敢歸降

降戶江翻

王宗召刺史太守共議

刺史青州刺史太守青州所部諸郡太守

皆以為當

遂擊之法雄曰不然兵凶器戰危事

賢曰史記范蠡之辭

勇不可

恃勝不可必賊若乘船浮海深入遠島

島都老翻水中有山曰島

攻

之未易也

易以政翻

及有赦令可且罷兵以慰誘其心執必

解散然後圖之可不戰而定也宗善其言即罷兵賊聞

大喜乃還所畧人而東萊郡兵猶未解甲賊復驚恐遁

走遼東止海島上

果如法
雄之言

秋七月乙酉三郡大水

騎都尉任仁與羌戰累敗而兵士放縱檻車徵詣廷尉
死護羌校尉段禧卒復以前校尉侯霸代之移居張掖

永初二年侯霸以衆羌反叛免護羌校尉時居狄道按
水經注羌水出湟中西南山下逕護羌城東故護羌校
尉治又東逕臨羌城西護羌校尉蓋治金城郡臨羌縣
界也然宣帝置護羌校尉本治金城令居東都定河隴
之後護羌校尉治安夷縣既而自安夷徙臨羌侯霸先
居隴西狄道以羌叛而臨羌不可居也今移居張掖以
隴西殘破復

九月甲申益州郡地震

賢曰益州郡故
城在今昆州晉

度河而西

寧縣 皇太后母新野君病

續漢志曰婦人封君儀比公主油韃駟車帶綬以采組為

緹帶各如其綬色黃金辟邪加其首為帶

太后幸其第連日宿止三公上表

固爭乃還宮冬十月甲戌新野君薨使司空護喪事儀

比東海恭王

恭王事見四十四卷明帝永平元年

鄧騭等乞身行服太后

欲不許以問曹大家大家上疏曰妾聞謙讓之風德莫

大焉今四舅深執忠孝引身自退

賢曰四舅謂臨懷弘閭也

而以方

垂未靜拒而不許如後有毫毛加于今日誠恐推讓之

名不可再得

賢曰謂有纖微之過則推讓之美失也

太后乃許之及服除

詔薦復還輔朝政

朝直遙翻

更授前封

帝即阼之初封薦悝弘閭皆辭不受

薦

等叩頭固讓乃止于是並奉朝請位次三公下特進侯

上

賢曰在特進及侯之上請才性翻又如字

其有大議乃詣朝堂與公卿參

謀太后詔陰后家屬皆歸故郡

陰后家南徙事見上卷和帝永元十四年

歸故郡歸南陽也

還其資財五百餘萬

五年春正月庚辰朔日有食之

丙戌郡國十地震

己丑太尉張禹免甲申以光祿勳潁川李修為太尉

先零羌寇河東及河內

零音憐

百姓相驚多南奔度河使

北軍中候朱寵將五營士屯孟津

北軍中候掌監屯騎越騎步兵長水射聲

五營續漢志曰舊有中壘校尉領北軍營壘之事中興省中壘但置中候以監五營洪氏隸釋曰按祝睦後碑

書為北軍軍中候詔魏郡趙國常山中山繕作塢候六

百一十六所

祁國四皆屬冀州懼羌自河東河內北入冀州界故作塢候以備之羌既轉

盛而緣邊二千石令長多內郡人並無守戰意皆爭上

徙郡縣以避寇難

長知兩翻上時掌翻

三月詔隴西徙襄武

隴西郡本

治狄道考異曰上云金城徙襄武此又云隴西徙襄武紀傳皆然或者二郡皆寄治于襄武歟

安定

徙美陽北地徙池陽上郡治衙

賢曰安定郡今涇州也美陽故城在今武功縣

北北地郡今寧州池陽縣故城在今涇陽縣北上郡今綏州也衙縣故城在今同州白水縣東北左傳秦晉戰于彭衙即此也余按郡國志美陽縣屬扶風池陽衙二縣屬馮翊衙音牙

百姓戀土不樂去

舊

樂音洛

遂乃刈其禾稼發撤室屋夷營壁破積聚

積子賜翻

聚慈喻翻

時連旱蝗飢荒而驅蹙劫掠流離分散隨道死亡

或弃捐老弱或為人僕妾喪其大半

蹙與蹙同喪息浪翻

復以任

尚為侍御史擊羌于上黨羊頭山破之

賢曰羊頭山在上黨郡穀遠縣

復扶又翻下同

乃罷孟津屯

夫餘王寇樂浪

夫餘為寇始此夫音扶樂浪音

洛琅高句驪王宮與滅貊寇玄菟

句如字又音駒驪力知翻滅音穢貊莫百

翻菟同
都翻

夏閏四月丁酉赦涼州河西四郡 海賊張

伯路復寇東萊青州刺史法雄擊破之賊逃還遼東遼

東人李久等共斬之

張伯路永初三年
作亂至是始平

于是州界清靜

秋九月漢陽人杜琦及弟季貢同郡王信等與羌通

謀聚衆據上邽城冬十二月漢陽太守趙博遣客杜習

刺殺琦

刺七
亦翻

封習討姦戾杜季貢王信等將其衆據擣

泉營 是歲九州蝗郡國八雨水

六年春正月甲寅詔曰凡供薦新味多非其節或鬱養

彊孰

謂為土室蓄火使土氣蒸鬱而養之彊使成熟也
前書召信臣傳曰太官園種冬生葱韭菜茹覆以

屋廡晝夜焚蘊火待
溫氣乃生彊其兩翻

或穿掘萌芽味無所至而天折生

長

天子兆翻短折
曰天長知兩翻

豈所以順時育物乎傳曰非其時不

食

賢曰論語曰不時不食言非其時物則不食之前
書召信臣曰不時之物有傷于人不宜以奉供養

今當奉祠陵廟及給御者皆須時乃上

時熟乃上進
也上時掌翻凡

所省二十三種

種章
勇翻

三月十州蝗

夏四月乙丑司

空張敏罷

己卯以太常劉愷為司空

詔建武元功

二十八將皆紹封

五月旱

丙寅詔令中二千石下

至黃綬一切復秩

董巴輿服志中二千石青綬四百石三百石二百石黃綬四年減百官奉

今復

六月壬辰豫章負谿原山崩

豫章郡在雒陽南二千七百里屬揚

州

辛巳赦天下

侍御史唐喜討漢陽賊王信破斬

之杜季貢亡從滇零是歲滇零死子零昌立年尚少同

種狼莫為其計策

滇音顛零音憐少詩照翻種章勇翻

以季貢為將軍別

居丁奚城

按東觀記丁奚城在北地郡靈州縣

七年春二月丙午郡國十八地震夏四月己未平原

懷王勝薨無子太后立樂安夷王寵子得為平原王

丙申晦日有食之

秋護羌校尉侯霸騎都尉馬賢擊

先零別部牢羌于安定

零音憐

獲首虜千人蝗

元初元年春正月甲子改元

二月乙卯日南地圻長

百餘里

東觀記曰圻長百八十二里廣五十六里長直亮翻

三月癸亥日有食

之

考異曰帝紀二月己卯日南地圻三月癸酉日食本志及表紀皆云三月己卯日南地圻按長歷是年

二月壬辰朔無己卯三月壬戌朔癸酉十二日不應日食二月當是乙卯三月當是癸亥

詔遣兵

屯河內通谷衝要三十六所皆作塢壁設鳴鼓以備羌

寇

自太行北至恒山限隔并冀其間多有谷道以相通今于衝要之地作塢壁以備羌寇

夏四

月丁酉赦天下

京師及郡國五旱蝗

五月先零羌

寇雍城

右扶風雍縣城也雍于用翻

蜀郡夷寇蠶陵殺縣令

蠶陵縣屬

蜀郡賢曰蠶陵故城在今翼州翼水縣西有蠶陵山因以名焉

九月乙丑太尉李修

罷羌豪號多與諸種鈔掠武都漢中巴郡板楯蠻救

之按范書板楯蠻夷者秦昭襄王時射殺白虎有功昭王復夷人頃田不租十妻不算傷人者論殺人者得

以俟錢贖死高祖為漢王發夷人以定三秦復其渠帥七姓不輸租賦餘戶乃歲入實錢口四十世號為板楯

蠻夷閭中有渝水其人多居水左右天性勁勇數陷陳喜歌舞高祖為制巴渝舞蠻蓋挾板楯而戰因為名

楯食尹翻倭徒濫翻寶藏宗翻漢中五官掾程信率郡兵與蠻共擊破

之百官志郡有五官掾署功曹及諸曹事掾俞絹翻號多走還斷隴道與零昌

合斷丁管翻零音憐侯霸馬賢與戰于枹罕破之枹罕縣屬隴西郡唐之河

州枹音膚辛未以大司農山陽司馬苞為太尉冬十月

戊子朔日有食之涼州刺史皮揚姓譜皮樊仲皮之後又鄭有上卿子

皮出于罕氏擊羌于狄道大敗死者八百餘人考異曰紀作皮陽今從

西羌傳余按隴西郡舊治狄道去年徙襄武則其地已弃而不有矣是歲郡國十五地

震

二年春護羌校尉龐參以恩信招誘諸羌號多等帥衆

降

師讀曰率降戶江翻

參遣詣闕賜號多侯印遣之參始還治令

居

自張掖徙還令居也

通河西道

零昌分兵寇益州遣中郎將

尹就討之

夏四月丙午立貴人榮陽閭氏為皇后

閭后

之母鄧弘之妻之同產也故得立

后性妬忌後宮李氏生皇子保后鵠

殺李氏

為后廢保張本保後立是為順帝

五月京師旱河南及郡國十

九蝗

河南即京師也

六月丙戌太尉司馬苞薨

秋七月辛

巳以太僕泰山馬英為太尉

八月遼東鮮卑圍無慮

無慮縣屬遼東郡應劭曰慮音閭師古曰即所謂瑩無閭按郡國志無慮縣時屬遼東屬國

九月又

攻夫犂營殺縣令

賢曰夫犂縣屬遼東屬國故城在今營州東南余按兩漢志遼東郡及遼

東屬國皆無夫犂縣今言殺縣令則嘗為縣矣未知賢所據者何書也

壬午晦日有食之

尹就擊羌黨呂叔都等蜀人陳省羅橫應募刺殺叔

都

刺七亦翻

皆封侯賜錢詔屯騎校尉班雄屯三輔雄超之

子也以左馮翊司馬鈞行征西將軍督關中諸郡兵八

千餘人龐參將羌胡兵七千餘人與鈞分道並擊零昌

參兵至勇士東

賢曰勇士縣屬天水郡余按天水時已改為漢陽郡

為杜季貢所

敗引退

敗補邁翻

鈞等獨進攻拔丁奚城杜季貢率衆偽逃

鈞令右扶風仲光等收羌禾稼

考異曰袁紀作右扶風太守种暲今從范書

光等違鈞節度散兵深入羌乃設伏要擊之

要一遙翻

鈞在

城中怒而不救冬十月乙未光等兵敗並沒死者三千

餘人鈞乃遁還龐參既失期稱病引還皆坐徵下獄

下還

翻 鈞自殺時度遼將軍梁懂亦坐事抵罪校書郎中扶

風馬融

融以郎中校蘭臺書故稱校書郎中

上書稱參懂智能宜宥過責

效詔赦參等

考異曰懂傳曰懂為度遼將軍明年安定北地上郡皆被羌寇不能自立詔懂發

邊兵迎三郡吏民徙扶風界懂即遣南單于兄子優孤塗奴將兵迎之既還懂以塗奴接其家屬有勞輒授以

羌侯印綬坐專擅徵下獄抵罪明年校書郎馬融上書
訟愼與參按愼為度遼將軍在永初四年徙三郡民在
五年參下獄在今年不得
云明年融訟之也疑傳誤以馬賢代參領護羌校尉復

以任尚為中郎將代班雄屯三輔

考異曰帝紀冬十月遣任尚屯三輔按

西羌傳司馬鈞抵罪後尚乃
代雄屯三輔耳復扶又翻

懷令虞詡說尚曰

說輸
芮翻

兵法弱不攻彊走不逐飛自然之執也今虜皆馬騎日
行數百里來如風雨去如絕弦以步追之執不相及所
以雖屯兵二十餘萬曠日而無功也為使君計莫如罷
諸郡兵各令出錢數千二十人共市一馬以萬騎之衆

逐數千之虜追尾掩截

賢曰尾猶尋也予謂尾者隨其後而擊之也掩襲也截邀也

其道自窮

言虜之路自窮不能捷出而寇掠也

便民利事大功立矣尚即

上言用其計遣輕騎擊杜季貢于丁奚城破之太后聞

虞詡有將帥之畧以為武都太守

考異曰詡傳曰羌寇武都太后以詡有

將帥之畧遷武都太守又曰賊敗散南入益州本紀元初元年羌寇武都漢中據此似詡以元初元年為武都太守也然按西羌傳龐參抵罪後任尚屯三輔時詡猶為懷令說尚用騎兵袁紀亦云懷令虞詡說尚如范書所言又云上問何從發此計尚表之受于懷令虞詡由是知名遷武都太守以此驗之當在龐參抵罪後也是知名遷武都太守以此驗之當在龐參抵罪後也

羌衆數千遮詡于陳倉峭谷

此峭谷當在陳倉縣界即今之大散關非弘農滬池

縣之靖谷也

詡即停軍不進而宣言上書請兵須到當發羌

聞之乃分鈔傍縣

鈔楚交翻

詡因其兵散日夜進道兼行百

餘里令吏士各作兩竈日增倍之羌不敢逼或問曰孫

臯減竈而君增之

減竈事見二卷周顯王二十八年臯頻忍翻

兵法日行不

過三十里以戒不虞

前書吉行五十里師行三十里

而今日且二百里

何也詡曰虜衆多吾兵少徐行則易為所及

易以鼓翻

速進

則彼所不測虜見吾竈日增必謂郡兵來迎衆多行速

必憚追我孫臯見弱

見賢遍翻

吾今示彊執有不同故也既

到郡兵不滿三千而羌衆萬餘攻圍赤亭數十日

賢曰赤亭

故城在今渭州襄武縣東南有赤亭水余按唐渭州漢隴西郡地漢武都唐階成州地此自是武都之赤亭非渭州之赤亭也又按郡國志武都下辨縣有赤亭即此

詡乃令軍中彊弩勿發而

潛發小弩羌以為矢力弱不能至并兵急攻詡于是使

二十彊弩共射一人發無不中

射而亦翻中竹仲翻

羌大震退詡

因出城奮擊多所傷殺明日悉陳其兵衆令從東郭門

出北郭門入貿易衣服回轉數周羌不知其數更相恐

動

貿音茂更工衡翻

詡計賊當退乃潛遣五百餘人于淺水設

伏候其走路

謂知賊退遇水必踏淺而度因于其處設伏以待之

虜果大奔因掩

擊大破之斬獲甚衆賊由是敗散詡乃占相地執

相息亮翻

築營壁百八十所招還流亡假賑貧民開通水運

詡案行川

谷自沮至下辨數十里燒石剪木開漕船道

詡始到郡穀石千鹽石八千見

戶萬三千

見存之戶也見賢遍翻

視事三年米石八十鹽石四百

民增至四萬餘戶人足家給一郡遂安十一月庚申

郡國十地震十二月武陵澧中蠻反

澧中今澧州地澧音禮

州

郡討平之己酉司徒夏勤罷

夏戶雅翻

庚戌以司空劉

愷為司徒光祿勳袁敞為司空敞安之子也 前虎賁

中郎將鄧弘卒

弘自遭母喪去官奉朝請故曰前

弘性儉素治歐陽尚

書

漢千乘歐陽生傳伏生尚書由是尚書有歐陽氏學治直之翻

授帝禁中有司奏贈

弘驃騎將軍位特進封西平侯

西平縣屬汝南郡

太后追弘雅

意不加贈位衣服但賜錢千萬布萬匹兄隲等復辭不

受

復扶又翻下同

詔封弘子廣德為西平侯將葬有司復奏發

五營輕車騎士禮儀如霍光故事

賢曰霍光薨宣帝遣太中大夫侍御史持

節護喪事中二千石修莫府冢上賜玉衣梓宮便房黃腸題湊輜輶車黃屋左纛輕車材官五校士以送葬也

太后皆不聽但白蓋雙騎門生輓送

賢曰白蓋車也輓音晚騎奇寄翻

後以帝師之重分西平之都鄉封廣德弟甫德為都鄉侯

資治通鑑卷四十九

資治通鑑卷五十

宋 司馬光 撰

胡三省 音註

漢紀四十二

起柔兆執徐盡閏逢困敦凡九年

孝安皇帝中

元初三年春正月蒼梧鬱林合浦蠻夷反

三郡皆屬交州

二月

遣侍御史任連督州郡兵討之

任音壬賢曰連音丁角翻又音卓

郡

國十地震 三月辛亥日有食之 夏四月京師旱

五月武陵蠻反州郡討破之

癸酉度遼將軍鄧遵率

南單于擊零昌于靈州

范書匈奴傳曰自置度遼將軍以來皆權行其事獨遵以皇太

后從弟為真將軍此後更無行將軍者志云度遼將軍銀印青綬秩二千石靈州縣屬北地郡賢曰在今慶州

馬嶺縣西北零音憐

斬首八百餘級

越雋徼外夷舉種內屬

雋音

髓徼吉弔翻種章勇翻

六月中郎將任尚

任音

遣兵擊破先零

羌于丁奚城

零音憐

秋七月武陵蠻復反

復扶又翻

州郡討

平之九月築馮翊北界候塢五百所以備羌

馮翊北界接安

定北地

冬十一月蒼梧鬱林合浦蠻夷降

降戶江翻

舊制

公卿二千石刺史俱不行三年喪司徒劉愷以為非所

以師表百姓宣美風俗丙戌初聽大臣行三年喪

賢曰文帝

遺詔以日易月于後大臣遂以為常至此復遵古制

癸卯郡國九地震 十二

月丁巳任尚遣兵擊零昌于北地殺其妻子燒其廬舍

斬首七百餘級

羌勢自此衰矣

四年春二月乙巳朔日有食之 乙卯赦天下 壬戌

武庫災 任尚遣當閼種羌榆鬼等刺殺杜季貢

閼徒賢翻

種章勇翻刺七亦翻下同

封榆鬼為破羌侯

司空袁敞廉勁不阿

權貴失鄧氏旨尚書郎張俊有私書與敞子俊怨家封

上之

怨于元翻
上時掌翻

夏四月戊申敞坐策免自殺俊等下獄

當死

下還
稼翻

俊上書自訟臨刑太后詔以減死論已已

遼西鮮卑連休等入寇

考異曰范書鮮卑傳上作連
休下作休連今從上文按遼西

郡在雒陽東北三千三百里賢曰遼
西郡故城在今平州東陽樂城是

郡兵與烏桓大人

於秩居等共擊大破之斬首千三百級六月戊辰三

郡雨雹

雨于
具翻

尹就坐不能定益州徵抵罪以益州刺

史張喬領其軍屯招誘叛羌稍稍降散

誘音酉降
戶江翻

秋

七月京師及郡國十雨水

九月護羌校尉任尚復募

効功種羌號封刺殺零昌

復扶又翻

封號封為羌王冬十

一月己卯彭城靖王恭薨越雋人以郡縣賦斂煩數

雋音髓斂力膽翻數所角翻

十二月大牛種封離等反殺遂久令

遂久

縣屬越雋郡賢曰遂久故縣在今靡州界考異曰西南夷傳云五年叛今從帝紀

甲子任尚

與騎都尉馬賢共擊先零羌狼莫追至北地相持六十

餘日戰于富平河上大破之

范書帝紀作富平上河西羌傳作河上賢曰富平縣

屬北地郡故城在今靈州回樂縣西南余按水經河水東北逕安定郡朐卷縣故城西注曰地理志河水別出

為河溝東至富平北入河河水于此有上河之名前漢馮參為上河典農都尉則上河為是宋白曰唐靈州即漢富平縣之地杜佑曰漢富平今靈州迴樂縣應劭曰駒音旬日之旬卷音箇落之箇斬首五千

級狼莫逃去于是西河虔人種羌萬人詣鄧尊降隴右

平

狼莫者零昌之謀主零昌既死而狼莫敗逃虔人羌失援而降故隴右平降戶江翻

是歲郡

國十三地震

五年春三月京師及郡國五旱夏六月高句驪與濊

貊寇玄菟

句如字又音駒驪力知翻濊音穢貊莫百翻菟同都翻

永昌益州蜀

郡夷皆叛應封離衆至十餘萬破壞二十餘縣

壞音怪殺

長吏焚掠百姓骸骨委積千里無人

秋八月丙申朔

日有食之 代郡鮮卑入寇殺長吏

考異曰獨行傳云元初中鮮卑數

百餘騎寇漁陽太守張顯率吏士追出塞遙望虜營烟火急趣之兵馬掾嚴授慮有伏兵苦諫止不聽顯賊令進授不獲已前戰伏兵發授身被十創沒于陳顯拔辦追散兵不能制虜射中顯主簿衛福功曹徐咸遽趣之顯遂墮馬福以身擁蔽虜并殺之朝廷愍授等節詔書褒歎厚加賞賜按元初凡六年鮮卑不曾犯漁陽殺長吏惟是入代郡曾殺長吏今疑漁陽本是代郡史之誤也 余按張顯事通鑑已書于上卷殤帝延平元年從范書帝

發緣邊甲卒黎陽營兵屯上谷以備之冬十月

鮮卑寇上谷攻居庸關

郡國志居庸縣屬上谷郡新唐志幽州昌平縣西北三十五里

有納款關即居庸故關

復發緣邊諸郡黎陽營兵積射士步騎二

萬人

復扶又翻

屯列衝要

鄧遵募上郡全無種羌雕何刺

殺狼莫

刺七亦翻

封雕何為羌侯自羌叛十餘年間

永初元年羌叛

至是年凡十二年

軍旅之費凡用二百四十餘億府帑空竭邊

民及內郡死者不可勝數

帑它朗翻勝音升

并涼二州遂至虛

耗及零昌狼莫死

零音憐

諸羌瓦解三輔益州無復寇警

詔封鄧遵為武陽侯邑三千戶

東郡有東武陽泰山郡有南武陽鄧騭傳又作

舞陽遵以太后從弟故爵封優大任尚與遵爭功又坐詐

增首級受賕枉法贓千萬已上十二月檻車徵尚棄市

沒入財物鄧騭子侍中鳳嘗受尚馬騭髮妻及鳳以謝

罪

騭職日翻

是歲郡國十四地震 太后弟惲閭皆卒封

惲子廣宗為葉侯閭子忠為西華侯

葉縣屬南陽郡西華縣屬汝南郡惲

苦回翻閭音

昌葉式涉翻

六年春二月乙巳京師及郡國四十二地震 夏四月

沛國勃海大風雨雹

雨于具翻

五月京師旱 六月丙戌

平原哀王得薨無子

秋七月鮮卑寇馬城塞殺長吏

馬城縣屬代郡賢曰搜神記昔秦人築城于武周塞以備胡將成而崩者數矣有馬馳走周旋反覆父老異之因依以築城城乃不崩遂以名焉其故城則今之朔州也余按續漢志搜神記所云乃鴈門郡之馬邑此乃代郡之馬度遼將軍鄧遵及中郎將馬續率南單于追擊城賢誤

大破之 九月癸巳陳懷王竦薨無子國除

竦陳王羨之孫

冬十二月戊午朔日有食之既 郡國八地震 是歲

太后徵和帝弟濟北王壽河間王開子男女年五歲以

上四十餘人

濟子禮翻

及鄧氏近親子孫三十餘人並為開

郎第

賢曰蒼頡篇曰郎舍也為于偽翻

教學經書躬自監試

監工衛翻

詔從

兄河南尹豹越騎校尉康等曰末世貴戚食祿之家溫

衣美飯乘堅驅良

賢曰堅謂好車良謂善馬余按此語出史記范蠡傳從才用翻

而面

牆弗學不識臧否

尚書曰不學牆面言正牆面而立無所見也否音鄙

斯故禍敗

之所從來也

豫章有芝草生太守劉祗欲上之

上時掌翻

以問郡人唐檀檀曰方今外戚豪盛君道微弱斯豈嘉

瑞乎祗乃止

益州刺史張喬遣從事楊竦將兵至樸

榆

樸榆縣武帝開置屬益州郡有葉榆澤正縣東因名明帝分屬永昌郡樸與葉同

擊封離等

大破之斬首三萬餘級獲生口千五百人封離等惶怖

斬其同謀渠帥詣竦乞降

怖普布翻帥所類
翻降戶江翻下同

竦厚加慰

納其餘三十六種皆來降附

種章
勇翻

竦因奏長吏姦猾侵

犯蠻夷者九十人皆減死論

初西域諸國既絕于漢

事見上卷
永初元年

北匈奴復以兵威役屬之

役使而臣屬之
復扶又翻下同

與

共為邊寇敦煌太守曹宗患之

敦煌徒
門翻

乃上遣行長史索

班將千餘人屯伊吾以招撫之

索姓出敦煌又左傳商
人七族有索氏上時掌

翻索昔各翻上遣索班奏而遣之
也行長史者行長史事未為真也

于是車師前王及鄯

善王復來降

鄯正
扇翻

初疏勒王安國死無子國人立其

舅子遺腹為王遺腹叔父臣磐在月氏月氏納而立之

西域傳曰元初中安國以舅臣磐有罪徙于月氏月氏王親愛之遺腹既立月氏遣兵送臣磐還疏勒國人素

敬愛臣磐又畏憚月氏即共奪遺腹印綬迎臣磐立以為王氏音支後莎車畔于寘屬疏

勒自明帝永平四年莎車屬于寘疏勒遂彊與龜茲于寘為敵國焉

永寧元年是年夏四月改元春三月丁酉濟北惠王壽薨禮子

北匈奴率車師後王軍就共殺後部司馬及敦煌長

史索班等賢曰司馬即屬戊己校尉所統也和帝時置戊己校尉鎮車師後部考異曰班勇傳元

初六年曹宗遣索班屯伊吾後數月北單于與車師後部共攻沒索班按本紀永寧元年車師後王叛殺部司

馬車師傳亦曰永寧元年後王軍就及母沙麻反畔殺後部司馬及敦煌行事蓋班以去年末屯伊吾今春見殺或今春奏遂擊走其前王略有北道鄯善逼急求救事方到也

于曹宗

都上
扇翻

宗因此請出兵五千人擊匈奴以報索班

之恥因復取西域公卿多以為宜閉玉門關絕西域太

后聞軍司馬班勇有父風召詣朝堂問之

班固西都賦
曰左右廷中

朝堂百僚之位朝堂蓋
在殿庭左右朝直遥翻

勇上議曰昔孝武皇帝患匈奴

彊盛于是開通西域論者以為奪匈奴府藏

上時掌翻
藏徂浪翻

斷其右臂

斷丁
亂翻

光武中興未遑外事故匈奴負彊驅率

諸國及至永平再攻敦煌

敦煌徒門翻

河西諸郡城門晝閉孝

明皇帝深惟廟策

惟思也賢曰古者謀事必就祖故言廟策也余謂古者遣將必于廟先定

制勝之策故謂之廟策

乃命虎臣出征西域

虎臣謂其父起也

故匈奴遠

遁邊境得安及至永元莫不內屬會間者羌亂西域復

絕

復扶又翻

北虜遂遣責諸國備其逋租高其價值嚴以期

會

備償也西域屬漢之後不復以馬畜旃屬輸匈奴及與漢絕匈奴復遣使責其積年所逋通欠也

鄯

善車師皆懷憤怨思樂事漢

樂音洛

其路無從前所以時

有叛者皆由牧養失宜還為其害故也今曹宗徒恥于

前負欲報雪匈奴

負敗也報雪謂報伊吾之役雪索班之恥也

而不尋出兵

故事未度當時之宜也

度徒洛翻

夫要功荒外萬無一成

一要

遙翻荒外謂在荒服之外

若兵連禍結悔無所及況今府藏未充

藏徂

浪翻師無後繼是示弱于遠夷暴短于海內臣愚以為不

可許也舊敦煌郡有營兵三百人今宜復之復置護西

域副校尉居于敦煌如永元故事

校戶教翻

又宜遣西域長

史將五百人屯樓蘭西

樓蘭即鄯善

當焉耆龜茲徑路南疆

鄯善于寘心膽北扞匈奴東近敦煌如此誠便

龜茲音丘慈寘

徒賢

尚書復問勇利害云何

勇既上議尚書復問使

勇

對曰昔永平之末始通西域初遣中郎將居敦煌

謂鄭衆也

後置副校尉于車師

謂耿恭關寵也

既為胡虜節度又禁漢人

不得有所侵擾故外夷歸心匈奴畏威今鄯善王尤還

漢人外孫若匈奴得志則尤還必死

賢曰尤還鄯善王名

此等雖

同鳥獸亦知避害若出屯樓蘭足以招附其心愚以為

便

此勇所謂利也

長樂衛尉鐔顯

類篇鐔如心翻姓也賢曰鐔音徒南翻唐韻又音尋

廷

尉綦母參

綦母姓也左傳晉有綦母張

司隸校尉崔據難曰

難乃旦翻下同

朝廷前所以棄西域者以其無益于中國而費難供也

今車師已屬匈奴善不可保信一旦反覆班將能保

北虜不為邊害乎

賢曰以勇為軍司馬故以將言之將音即亮翻

勇對曰今中

國置州牧者以禁郡縣姦猾盜賊也若州牧能保盜賊

不起者臣亦願以要斬保匈奴之不為邊害也

要讀曰腰令

通西域則虜執必弱虜執弱則為患微矣孰與歸其府

藏續其斷臂哉今置校尉以扞撫西域設長史以招懷

諸國若棄而不立則西域望絕望絕之後屈就北虜緣

邊之郡將受困害恐河西城門必將復有晝閉之敝矣

明帝永平中北匈奴脅諸國共寇河西郡縣城門晝閉復扶又翻下同今不廓開朝廷之

德而拘屯戍之費若此北虜遂熾豈安邊久長之策哉

此勇所謂害也熾尺志翻太尉屬毛軫難曰今若置校尉則西域絡

繹遣使求索無厭索山客翻厭于鹽翻百官志太尉掾屬二十四人東西曹掾比四百石餘

掾比三百石屬比二百石與之則費難供不與則失其心一旦為匈

奴所迫當復求救則為役大矣勇對曰今設以西域歸

匈奴而使其恩德大漢不為鈔盜則可矣鈔楚交翻如其不

然則因西域租入之饒兵馬之衆以擾動緣邊是為富
仇讐之財增暴夷之執也置校尉者宣威布德以繫諸
國內向之心而疑匈奴覬覦之情

覬音冀
覦音兪

而無費財耗

國之慮也且西域之人無他求索其來入者不過稟食

而已

稟筆錦翻給
也食讀曰飢

今若拒絕執歸北屬夷虜

言其事執
所歸必至

北屬
匈奴

并力以寇并涼則中國之費不止十億置之誠便

于是從勇議復敦煌郡營兵三百人置西域副校尉居

敦煌雖復羈縻西域然亦未能出屯

謂未能如勇計出
屯樓蘭西也然使

盡行勇之計亦未必能羈制西域何者武帝通西域未能盡臣屬西域也及宣帝時日逐降呼韓邪內附始盡得西域明帝使班超通西域未能盡臣屬西域也及竇憲破北匈奴超始盡得西域今漢內困于諸羌而北匈奴游寇蒲類安能以五百人成功哉其後匈奴果數與車師共入寇鈔河

西大被其害

數所角翻鈔楚交翻被皮義翻

沈氏羌寇張掖

賢曰沈氏羌號

也續漢書曰羌在上郡西河者號沈氏

夏四月丙寅立皇子保為太子

改元赦天下

己巳詔封陳敬王子崇為陳王濟北惠

王子萇為樂成王

濟子禮翻

河間孝王子翼為平原王

六

月護羌校尉馬賢將萬人討沈氏羌于張掖破之斬首

千八百級獲生口千餘人餘虜悉降

降戶

時當煎等大

豪飢五等以賢兵在張掖乃乘虛寇金城賢還軍出塞

斬首數千級而還燒當燒何種聞賢軍還復寇張掖殺

長吏

馬賢于時為健關然觀其往來奔命羌人輒議其後賢不思所以制之之術重以不恤軍事宜其有

射姑山之敗也還從宜翻又如字種章勇翻復扶又翻長知兩翻

秋七月乙酉朔日

有食之冬十月己巳司空李邵免

邵古合翻又曷閭翻

癸酉以

衛尉廬江陳褒為司空京師及郡國三十三大水

十二月永昌徼外揮國王雍曲調遣使者獻樂及幻人

西南夷傳幻人能變化吐火自支解易牛馬頭自言我
海西人海西即大秦也今按大秦即武帝時犂鞬國今
謂之拂菻揮音檀范書雍
曲調作雍由調徵吉弔翻

戊辰司徒劉愷請致仕許

之以千石祿歸養 遼西鮮卑大人烏倫其至鞬各以

其衆詣度遼將軍鄧遵降

烏倫其至鞬二
人也鞬居言翻

癸酉以太

常楊震為司徒 是歲郡國二十三地震 太后從弟

越騎校尉康以太后久臨朝政宗門盛滿數上書太后

從才用翻上元初六年書從兄康此書從弟
徵諸范史當從兄字數所角翻上時掌翻

以為宜崇

公室自損私權言甚切至太后不從康謝病不朝太后

使內侍者問之所使者乃康家先婢

先本康家婢後入宮在太后左右

自通中大夫

時宮中者宿皆稱中大夫

康聞而詬之

賢曰詬罵也音許邁翻又古候

翻婢怨恚

恚于還

還白康詐疾而言不遜太后大怒免康

官遣歸國

康永初中紹封夷安侯

絕屬籍

初當煎種飢五同種

大豪盧忽忍良等千餘戶

種章勇翻下同

別畱允街而首施兩

端

賢曰首施猶首鼠也允音鉛

建光元年

是年七月改元入遼東追拜禪

遠東太守胡憚其威彊退還

數百里禪不加兵但遣吏卒往曉慰之單于隨使還郡禪于學行禮為說道義以感化之單于懷服遺以胡中

珍貨而去當在此年矣又按北單于漢朝所不能臣未嘗入朝天子安肯見遼東太守此事可疑今不取余按和帝以來北匈奴益西徙自代郡以東至遼東塞外之地皆鮮卑烏桓居之北單于安能至遼東邪不取當也

春護羌校尉馬賢召盧忽斬之因放兵擊其種人獲首虜二千餘忍良等皆亡出塞幽州刺史巴郡馮煥

玄菟太守姚光遼東太守蔡諷等將兵擊高句驪高句

麗王宮遣子遂成詐降而襲玄菟遼東殺傷二千餘人

菟同都翻句如字又音駒麗讀曰驪力知翻降戶江翻

二月皇太后寢疾癸亥

赦天下三月癸巳皇太后鄧氏崩未及大斂帝復申前

命

敘力瞻翻復扶又翻下同

封鄧騭為上蔡侯位特進

封騭事見上卷永初元年

丙午葬和熹皇后

范曄曰漢世皇后無謚皆因帝謚以為稱雖呂氏專政上官臨制亦無殊

號中興明帝始建光烈之稱其後並以德為配至于賢愚優劣混同一貫故馬竇二后俱稱德焉其餘皇帝之庶母及蕃王承統以追尊之重特為其號恭懷孝崇之比是也初平中蔡邕始追正和熹之謚其安思順烈以下皆依而加焉賢注云蔡邕集謚議曰漢世母后無謚明帝始建光烈之稱是後轉因帝號加之以德上下優劣混而為一違禮大行受大名小行受小名之制謚法有功安民曰熹帝后一體禮亦宜同大行皇太后宜為和熹太后自臨朝以來水旱十載

載子亥翻

四夷外侵盜賊內

起每聞民飢或達旦不寐躬自減徹

謂減膳徹樂之類

以救災

危故天下復平歲還豐穰

和熹臨朝之政可謂北
難之最唯家之索矣

上始

親政事尚書陳忠薦隱逸及直道之士潁川杜根平原

成翊世之徒上皆納用之忠寵之子也初鄧太后臨朝

根為郎中與同時郎上書言帝年長宜親政事

長知
兩翻

太

后大怒皆令盛以縑囊于殿上撲殺之

盛時征翻撲普
卜翻蜀本弼角

翻既而載出城外根得蘇太后使人檢視根遂詐死三

日目中生蛆

蛆子余翻凡蠅所集
其遺子之處生為蛆

因得逃竄為宜城山

中酒家保積十五年

宜城縣屬南郡賢曰宜城故城在
今襄州率道縣南其地出美酒廣

雅云保使也言為人
傭力保任而使也

成翊世以郡吏亦坐諫太后不歸

政抵罪帝皆徵詣公車拜根侍御史翊世尚書郎

為諸

罪張

或問根曰往者遇禍天下同義

天下之士以根直諫遇禍同義之也

知故不少

少詩

何至自苦如此根曰周旋民間非絕跡

之處邂逅發露

邂逅不期而會謂出于意料之外也

禍及親知故不為也

申屠蟠絕跡梁碣
祖根之故智也

戊申追尊清河孝王曰孝德皇皇

妣左氏曰孝德后祖妣宋貴人曰敬隱后

尊其所自出也謚法執義

行善曰德綏柔士民曰德不顯尸國曰隱見美堅長曰隱

初長樂太僕蔡倫受竇后

諷旨誣陷宋貴人

事見四十六卷章帝建初七年樂音洛

帝敕使自致廷

尉倫飲藥死

自致廷尉者使其自詣獄

夏四月高句麗復與鮮卑

入寇遼東蔡諷追擊于新昌戰歿

新昌縣屬遼東郡

功曹掾龍

端兵馬掾公孫酺以身扞諷俱歿于陳

范書東夷傳作功曹耿耗兵馬

掾龍端酺音蒲陳靖曰陣

丁巳尊帝嫡母耿姬為甘陵大貴人

郡國

志清河郡厓縣帝改名甘陵賢曰甘陵孝德皇之陵也因以為縣在今貝州清河縣東宋白曰貝州清河縣本周甘泉氏之地秦漢為信城縣後漢為厓縣桓帝改為甘陵故城在今縣西北清河王慶陵在今清河郡東南三十里

故厓城

甲子樂成王萇坐驕淫不法貶為蕪湖侯

范書

紀傳皆作臨湖侯賢
曰臨湖縣屬廬江郡

己巳令公卿下至郡國守相各

舉有道之士一人尚書陳忠以詔書既開諫爭

爭讀曰諍

慮

言事者必多激切或至不能容乃上疏豫通廣帝意曰

臣聞仁君廣山藪之大

賢曰左氏傳曰川澤納汙山藪藏疾瑾瑜匿瑕國君含垢天之

道納切直之謀忠臣盡蹇諤之節不畏逆耳之害

易曰王臣

蹇蹇晉王豹傳作蹇史記趙簡子曰衆人之唯唯不
如周舍之諤諤家語孔子曰忠言逆耳而利于行也

以高祖舍周昌桀紂之譬

周昌嘗燕入奏事高祖方擁威姬昌還走帝逐得騎昌項

問曰我何如主昌仰曰陛下即桀紂之主上笑自是心憚昌舍讀曰捨

孝文喜袁盎人豕

之譏

事見十三卷
文帝二年

武帝納東方朔宣室之正

事見十八卷
武帝元

光五

元帝容薛廣德自刎之切

事見二十八卷
元帝永光元年
武粉翻

今

明詔崇高宗之德推宋景之誠引咎克躬諮訪羣吏

時詔

公卿百僚
各上封事

言事者見杜根成翊世等新蒙表錄顯列二

臺

賢曰謂根為侍御史翊世為尚書
郎也余按漢制尚書御史皆曰臺

必承風響應爭為

切直若嘉謀異策宜輒納用如其管穴妄有譏刺

賢曰
管穴

言小也史記扁鵲曰若以管
窺天以隙視文隙即穴也

雖苦口逆耳不得事實且

優游寬容以示聖朝無諱之美若有道之士對問高者

宜垂省覽

省悉景翻

特遷一等以廣直言之路書御

御進也書御書

進而經覽也

有詔拜有道高第士沛國施延為侍中

有道高第舉有

道對問為上第也姓譜魯大夫施伯出于魯惠公之子子尾字施父

初汝南薛包少有至

行父娶後妻而憎包分出之包日夜號泣不能去

少詩照翻

行下孟翻號戶刀翻

至被毆扑

以敲扑毆之也扑普卜翻

不得已廬于舍外旦

入洒掃

洒所賣翻掃素報翻又並如字

父怒又逐之乃廬于里門晨昏

不廢

不廢定省之禮也

積歲餘父母慙而還之及父母亡弟子

求分財異居包不能止乃中分其財奴婢引其老者曰

與我共事久若不能使也

也若汝

田廬取其荒頓者

賢曰頓猶

廢也曰吾少時所治意所戀也

治直之翻

器物取朽敗者曰我

素所服食身口所安也弟子數破其產輒復賑給

數所角翻

復扶又翻帝聞其名令公車特徵

特獨也獨徵之當時無與並者

至拜侍中

包以死自乞有詔賜告歸加禮如毛義

毛義事見四十卷章帝元和

元年帝少號聰明故鄧太后立之及長多不德

少詩照翻長知

兩翻稍不可太后意

言意不以為可也

帝乳母王聖知之太后徵

濟北河間王子詣京師

濟子禮翻

河間王子翼美容儀太后

竒之以為平原懷王後留京師王聖見太后久不歸政

慮有廢置常與中黃門李閏江京候伺左右共毀短太

后于帝帝每懷忿懼

伺相吏翻

及太后崩宮人先有受罰者

懷怨恚

恚于避翻

因誣告太后兄弟惸弘閻先從尚書鄧訪

取廢帝故事謀立平原王帝聞追怒令有司奏惸等大

逆無道遂廢西平侯廣宗葉侯廣德西華侯忠陽安侯

珍都鄉侯甫德皆為庶人

忠閻之子珍惸兄京之子西華陽安二縣皆屬汝南郡惸

苦回翻閻音昌葉式涉翻

鄧騭以不與謀但免特進遣就國

與讀宗曰豫

族免官歸故郡

鄧氏故南陽人

沒入隲等貲財田宅徙鄧訪及

家屬于遠郡郡縣迫逼廣宗及忠皆自殺又徙封隲為

羅侯

羅縣屬長沙郡

五月庚辰隲與子鳳並不食而死隲從弟

河南尹豹度遼將軍舞陽侯遵將作大匠暢皆自殺

才從

用翻唯廣德兄弟以母與閭后同產得留京師復以耿夔

為度遼將軍徵樂安侯鄧康為太僕

按范書鄧禹傳明帝分禹國為三封

其三子季子珍為夷安侯康以珍之子紹封樂安當在夷安郡國志夷安高密二縣皆屬北海國賢曰夷安故

城今高密縣外城

丙申貶平原王翼為都鄉侯遣歸河間翼謝

絕賓客閉門自守由是得免 初鄧后之立也

見四十卷和

帝永元十四年

太尉張禹司徒徐防欲與司空陳寵共奏追封

后父訓寵以先世無奏請故事爭之連日不能奪及訓

追加封謚禹防復約寵俱遣子奉禮于虎賁中郎將隲

寵不從故寵子忠不得志于鄧氏隲等敗忠為尚書數

上疏陷成其惡

寵之所守是也忠之所為非也復扶又翻數所角翻

大司農京兆

朱寵痛隲無罪遇禍乃肉袒輿櫬

櫬初覲翻賢曰櫬親身棺

上疏曰

伏惟和熹皇后聖善之德為漢文母

賢曰詩凱風曰母氏聖善文母文王

之母太任也寵言太后有聖善之德比于文母也兄弟忠孝同心憂國社稷是

賴賢曰殤帝崩太后與隲定立安帝故曰是賴功成身退讓國遜位歷世貴

戚無與為此當享積善履謙之祐賢曰易曰積善之家必有余慶又曰鬼神

害盈而福謙而橫為宮人單辭所陷兩造不備又無徵左者為單辭橫戶孟翻利

口傾險反亂國家論語曰惡利口之覆邦家者罪無申證獄不訊鞠

賢曰申明白也遂令隲等罹此酷陷一門七人並不以訊問也鞠窮也

命賢曰七人謂隲從弟豹遵暢屍骸流離冤魂不反逆

天感人率土喪氣喪息浪翻宜收還冢次寵樹遺孤奉承血

祀以謝亡靈

賢曰血祀謂祭廟殺牲取血以降神也

寵知其言切自致廷

尉陳忠復劾奏寵詔免官歸田里

劾戶槩翻又戶得翻

衆庶多為

隲稱枉者

復扶又翻為于偽翻

帝意頗悟乃譴讓州郡

賢曰以逼迫廣宗等

故也還葬隲等于北芒

賢曰北芒山在雒陽城北

諸從兄弟皆得歸京

師

從才用翻

帝以耿貴人兄牟平侯寶監羽林左軍車騎

羽林分左右監各主左右騎寶監古銜翻

封宋楊四子皆為列侯宋氏為卿

校侍中大夫謁者郎吏十餘人

校戶教翻

閭皇后兄弟顯景

耀並為卿校典禁兵

卿校九卿及諸校尉也

于是內寵始盛帝以

江京嘗迎帝于邸

謂延平元年迎帝于清河邸也

以為京功封都鄉侯

封李閔為雍鄉侯閔京並遷中常侍京兼大長秋與中

常侍樊豐黃門令劉安鈞盾令陳達

百官志黃門令主省中諸宦者鈞盾

令典諸近地苑囿游觀之處皆宦者為之盾食尹翻

及王聖聖女伯榮扇動內外

競為侈虐伯榮出入宮掖傳通姦賂司徒楊震上疏曰

臣聞政以得賢為本治以去穢為務

治直吏翻去羗呂翻

是以唐

虞俊又在官四凶流放

見尚書孔安國曰俊又俊德能治之士馬融曰千人曰俊百人

曰天下咸服以致雍熙

雍和也熙亦和也

方今九德未事

賢曰尚書

臯陶謨曰亦行有九德寬而栗柔而立愿而恭亂而敬
擾而殺直而溫簡而廉剛而塞彊而義又曰九德咸事
俊乂在官孔安國曰使九德之人皆用事

嬖倖充庭

謚法賤而得愛曰嬖

阿母王聖出

自賤微得遭千載

載子亥翻

奉養聖躬雖有推燥居溼之勤

孝經援神契曰母之于子也鞠養殷勤推燥居溼絕少分甘也推吐雷翻

前後賞惠過報勞

苦而無厭之心不知紀極外交屬託

厭于鹽翻屬之欲翻

擾亂天

下損辱清朝塵點日月

朝直遥翻

夫女子小人近之喜遠之

怨實為難養

論語曰唯女子與小人為難養也近之則不遜遠之則怨近其斯翻遠于願翻

宜

速出阿母令居外舍斷絕伯榮莫使往來

斷丁管翻

令恩德

兩隆上下俱美奏御帝以示阿母等內倖皆懷忿恚

于志

避翻而伯榮驕淫尤甚通于故朝陽侯劉護從兄瓌瓌遂

以為妻官至侍中得襲護爵

賢曰護泗水王欽之從曾孫朝陽縣屬南郡故城在

今鄧州穰縣南今謂之朝城從才用翻瓌古回翻

震上疏曰經制父死子繼兄

亡弟及以防篡也

賢曰公羊傳曰劉子單子以王猛入于王城者何西周也其言入何篡亂

也冬十月王子猛卒此未踰年之君其稱王子猛卒何不予當也不予當者不予當父死子繼兄亡弟及也

伏見詔書封故朝陽侯劉護再從兄瓌襲護爵為侯

從才

用翻護同產弟威今猶見在

見賢通翻

臣聞天子專封封有功

諸侯專爵爵有德今壞無它功行

行下孟翻

但以配阿母女

一時之間既位侍中又至封侯不稽舊制不合經義行

人喧譁百姓不安陛下宜鑒鏡既往順帝之則尚書廣

陵翟酺

范書列傳酺廣漢雒人陵當作漢廣漢郡屬益州翟直格翻酺音蒲

上疏曰昔竇

鄧之寵傾動四方兼官重綬

重直龍翻

盈金積貨至使議弄

神器

賢曰神器謂天位也老子曰天下神器不可為也余謂威福人主之神器此言弄威福耳

改更

社稷

更工術翻

豈不以執尊威廣以致斯患乎及其破壞頭

顙墮地願為孤豚豈可得哉夫致貴無漸失必暴受爵

非道殃必疾今外戚寵幸功鈞造化漢元以來未有等

比

漢元漢初也
比類寐翻

陛下誠仁恩周洽以親九族然祿去公

室政移私門覆車重尋寧無摧折

重直龍翻
折而設翻

此最安危

之極戒社稷之深計也昔文帝愛百金于露臺飾帷帳

于皐囊

文帝集上書皐
囊以為殿帷

或有譏其儉者上曰朕為天下

守財耳

為于
偽翻

豈得妄用之哉今自初政以來日月未久

費用賞賜已不可算斂天下之財積無功之家帑藏單

盡

帑它浪翻藏徂
浪翻單與殫同

民物彫傷卒有不虞

卒讀曰猝虞度
也不虞謂事變

出于虞度之外者也

復當重賦

復扶又翻

百姓怨叛既生危亂可待也

願陛下勉求忠貞之臣誅遠佞諂之黨割情欲之歡罷

宴私之好

遠于願翻好呼到翻

心存亡國所以失之鑒觀興王所

以得之庶災害可息豐年可招矣書奏皆不省

省悲景翻

秋七月己卯改元赦天下

壬寅太尉馬英薨

考異曰傳作

策罷誤今從紀

燒當羌忍良等以麻奴兄弟本燒當世嫡

燒當

豪帥東號和帝永元元年降其子麻奴永初元年叛出塞

而校尉馬賢撫恤不至常

有怨心遂相結共脅將諸種寇湟中攻金城諸縣八月

賢將先零種擊之戰于牧苑不利

漢邊郡皆有牧苑以養馬此牧苑在金城

界將即亮翻零音憐種章勇翻

麻奴等又敗武威張掖郡兵于令居

敗補

邁翻令孟康音連師古音零

因脅將先零沈氏諸種四千餘戶緣山

西走寇武威賢追到鸞鳥

鸞鳥縣屬武威郡鳥音雀賢曰鸞鳥故城在今涼州昌松

縣北鸞音翟沽九翻劉昫曰涼州神鳥縣漢鸞鳥縣地嘉麟縣則鸞鳥古城也

招引之諸種降

者數千

降戶江翻

麻奴南還湟中

甲子以前司徒劉愷為

太尉初清河相叔孫光坐臧抵罪遂增禁錮二世

臧古臧字

通賢曰二世謂父子俱禁錮

至是居延都尉范邠復犯臧罪朝廷欲

依光比

帝置居延屬國都尉別領居延一城屬涼州復扶又翻賢曰比類也以邠類光亦錮及其子也

比音庇

劉愷獨以春秋之義善善及子孫惡惡止其身所

以進人于善也

公羊傳曰曹公孫會自鄆出奔宋畔也曷為不言畔為公子喜時之後諱也春

秋為賢者諱也何賢乎公子喜時讓國也君子之善善也長惡惡也短惡惡止其身善善及子孫賢者子孫故君子為其諱也如今使臧吏禁錮子孫以輕從重懼及善人非

先王詳刑之意也

左傳曰刑濫則懼及善人鄭玄曰詳審察也

陳忠亦以為

然有詔太尉議是

鮮卑其至護寇居庸關九月雲中

太守成嚴擊之兵敗

居庸關在上谷界蓋鮮卑先寇居庸關遂入雲中界也

功曹

楊穆以身扞嚴與之俱歿鮮卑于是圍烏桓校尉徐常

于馬城度遼將軍耿夔與幽州刺史龐參發廣陽漁陽

涿郡甲卒救之

三郡皆屬幽州

鮮卑解去

戊子帝幸衛尉馮

石府留飲十餘日

考異曰袁紀曰十二月丙申乃還宮今從石傳

賞賜甚厚

拜其子世為黃門侍郎世弟二人皆為郎中石陽邑侯

魴之孫也

按范書馮魴封陽邑鄉侯魴音房

父柱尚顯宗女獲嘉公主

石襲公主爵為獲嘉侯

獲嘉縣屬河內郡本汲之新中鄉也武帝行幸過此聞獲呂嘉

因以名縣能取悅當世故為帝所寵京師及郡國二十七

雨水

范書帝紀作二十九

冬十一月己丑郡國三十五地震

鮮卑寇玄菟

菟同都翻

尚書令殺諷等奏以為孝文定約

禮之制光武皇帝絕告寧之典

殺丁外翻又丁活翻姓也約禮謂以日易月也

前書音義曰告寧休謁之名吉曰告凶曰寧

貽則萬世誠不可改宜復斷大

臣行三年喪

斷丁管翻下同

尚書陳忠上疏曰高祖受命蕭何

創制大臣有寧告之科合于致憂之義

論語曰人未有自致者也必也

親喪

建武之初新承大亂凡諸國政多趣簡易

趣七喻翻易以

鼓大臣既不得告寧而羣司營祿念私鮮循三年之喪

鮮息
淺翻

以報顧復之恩者

詩蓼莪云父母生兮顧我復我欲報之德昊天罔極

禮義

之方實為彫損陛下聽大臣終喪聖功美業靡以尚茲

孟子曰老吾老以及人之老幼吾幼以及人之幼天下

可運于掌

賢曰言敬吾老亦敬人之老愛吾幼亦愛人之幼有敬愛之心則天下歸順之也運掌言

易也范氏曰老吾老以老者之禮養吾之老則謂事親也使天下之老者皆得其養故曰以及人之老幼吾幼以幼者之禮待吾之幼謂愛其子也使天下之幼者皆得其長故曰以及人之幼天下可運于掌言其易也

臣願陛下登高北望以甘陵之思揆度臣子之心則海

內咸得其所

賢曰甘陵帝父母陵陵在清河故北望也度徒洛翻

時宦官不便之

竟寢忠奏庚子復斷二千石以上行三年喪

元初三年聽大臣行

三年喪今復

斷之斷音短

袁宏論曰古之帝王所以篤化美俗率民為善因其自然而不奪其情民猶有不及者而況毀禮止哀減其天性乎

十二月高句驪王宮率馬韓濊貊數千騎圍玄菟

韓有三種

一曰馬韓二曰辰韓三曰弁辰馬韓在西有五十國句如字又音駒驪力知翻濊音穢貊莫百翻

夫餘

王遣子尉仇台將二萬餘人與州郡并力討破之

扶夫音

是歲宮死子遂成立玄菟太守姚光上言欲因其喪發兵擊之議者皆以為可許陳忠曰宮前桀黠黠下八翻光不能討死而擊之非義也宜遣使弔問因責讓前罪赦不加誅取其後善帝從之

延光元年春三月丙午改元赦天下 護羌校尉馬賢

追擊麻奴到湟中破之種衆散遁種章勇翻 夏四月京師

郡國四十一雨電雨于具翻 河西電大者如斗 幽州刺史

馮煥玄菟太守姚光數糾發姦惡數所角翻 怨者詐作璽書

譴責煥光賜以歐刀

賢曰歐刀刑人之刀也歐音一口翻余謂古歐治子善作劒故謂劒

為歐刀當音烏侯翻

又下遼東都尉龐奮使速行刑

下遐稼翻

奮即斬

光收煥

考異曰帝紀建光元年四月甲戌龐奮承偽璽書殺姚光馮緄傳亦云建光元年按帝紀去

年十二月高驪圍玄菟而高驪傳有姚光上言蓋光實以延光元年被殺紀傳誤以延為建又今年四月無甲

戌煥欲自殺其子緄疑詔文有異

緄古本翻

止煥曰大人在

州志欲去惡實無他故必是凶人妄詐規肆姦毒願以

事自上

去羌呂翻上時掌翻

甘罪無晚煥從其言上書自訟果詐

者所為徵奮抵罪

癸巳司空陳褒免五月庚戌宗正

彭城劉授為司空 己巳封河間孝王子德為安平王

嗣樂成靖王後

自是樂成國改曰安平去年樂成王薨以罪廢今以德紹靖王後諡法柔德安

衆曰靖恭已鮮言曰靖寬樂令終曰靖

六月郡國蝗 秋七月癸卯京

師及郡國十三地震 高句驪王遂成還漢生口詣玄

菟降

降戶江翻下同

其後滅貊率服東垂少事

滅音穢少詩沼翻

虔

人羌與上郡胡反度遼將軍耿夔擊破之 八月揚陵

園寢火

景帝陵園寢也

九月甲戌郡國二十七地震 鮮卑

既累殺郡守膽氣轉盛控弦數萬騎冬十月復寇鴈門

定襄

復扶又翻

十一月寇太原

燒當羌麻奴飢困將種衆

詣漢陽太守耿种降

種章勇翻种音冲

是歲京師及郡國二

十七雨水 帝數遣黃門常侍及中使伯榮往來甘陵

數所角翻使疏吏翻

尚書僕射陳忠上疏曰今天心未得隔并屢

臻

賢曰隔并謂水旱不節也尚書曰一極備凶一極無凶并音必姓翻

青冀之域淫雨漏

河

賢曰漏溢也余謂雨久不止河隄為之決漏也

徐岱之濱海水盆溢

禹貢海岱及淮

為徐州故曰徐岱盆 充豫蝗蝻滋生

賢曰蝻螽子也音余專翻余按蝻蝗

子也董仲舒云然左傳宣十五年冬蝻生劉歆曰蚘蚘子杜預曰螽子以冬生遇寒而死故不成螽爾雅曰蝻

蝮蚰蝗也陸璣草木疏云蝮蚰州人謂之春箕蝗類也曰蝮子者猶蝗子也

荆揚稻收儉薄

并涼二州羌戎叛戾加以百姓不足府帑虛匱

帑它朗翻 陛

下以不得親奉孝德皇園廟比遣中使致敬甘陵

比毗至翻

朱軒駢馬相望道路

賢曰朱軒車使者所乘也駢並也

可謂孝至矣然

臣竊聞使者所過威權翕赫震動郡縣王侯二千石至

為伯榮獨拜車下

為于偽翻下猥為誤為同

發民修道繕理亭傳

傳株

總翻

多設儲侍

侍大理翻具也

徵役無度老弱相隨動有萬計賂

遺僕從人數百匹

謂縑帛也遺于季翻從才用翻

頓踣呼嗟

踣蒲墨翻僵也斃也

莫不叩心河間託叔父之屬清河有陵廟之尊

賢曰河間王開

安帝叔也清河王延平也陵廟所在故曰尊

及剖符大臣皆猥為伯榮屈節

車下陛下不問必以為陛下欲其然也伯榮之威重于

陛下陛下之柄在于臣妾水災之發必起于此昔韓嫣

託副車之乘受馳視之使江都誤為一拜而嫣受歐刀

之誅

韓嫣有寵于武帝常與帝共卧起江都王入朝從上獵上林中天子車駕趣通未行先使嫣乘副車

從數十百騎馳視獸江都王望見以為天子辟從者伏謁道旁嫣驅不見既過江都王怒為太后泣請得歸國

入宿衛比韓嫣太后由此衛嫣遂誅嫣音偃

臣願明主嚴天元之尊正乾剛

之位

賢曰天元猶乾元也

不宜復令女使干錯萬機

復扶又翻使如字

重

察左右得無石顯漏泄之姦

石顯事見二十九卷元帝建昭二年重直用翻

尚

書納言得無趙昌譖崇之詐

趙昌事見三十四卷哀帝建平四年

公卿大

臣得無朱博阿傳之援

朱博事見三十四卷建平二年

外屬近戚得無

王鳳害商之謀

王鳳事見三十四卷成帝河平四年

若國政一由帝命王

事每決于已則下不得偏上臣不得干君常雨大水必

當霽止四方衆異不能為害書奏不省

省悉景翻

時三府任

輕機事專委尚書而災眚變咎輒切免三公

賢曰切責也

陳

忠上疏曰漢興舊事丞相所請靡有不聽今之三公雖

當其名而無其實選舉誅賞一由尚書尚書見任重于

三公陵遲以來其漸久矣臣忠心常獨不安近以地震

策免司空陳褒今者災異復欲切讓三公

復扶又翻

昔孝成

皇帝以妖星守心移咎丞相

事見三十三卷綏和二年

卒不蒙上天

之福

卒子恤翻

徒乖宋景之誠故知是非之分較然有歸矣

分扶問翻

又尚書決事多違故典罪法無例詆欺為先文慘

言醜有乖章憲宜責求其意割而勿聽上順國典下防

威福置方負于規矩審輕重于衡石

此言決事當依典法也賢曰衡秤衡

也三十斤為鈞四鈞為石

誠國家之典萬世之法也

汝南太守山

陽王龔政崇寬和好才愛士以袞閭為功曹

好呼到翻閭音浪

引進郡人黃憲陳蕃等憲雖不屈蕃遂就吏

就辟而為吏也

閭

不修異操而致名當時蕃性氣高明龔皆禮之由是羣

士莫不歸心憲世貧賤父為牛醫潁川荀淑至慎陽

慎陽

縣屬汝南郡憲縣人也賢曰在慎水之南因以名縣應劭曰慎水出東北入淮師古曰慎字本作滇音真後誤為慎耳今猶有真丘真陽縣知音不改也闕駟曰永平五年失印更刻遂誤以水為心余按水北為陽賢既云

縣在水南而名慎陽何也

遇憲于逆旅

逆迎也設館舍以迎客故曰逆旅賢曰逆旅客舍

時

年十四淑竦然異之揖與語移日不能去

移日言日移晷也

謂

憲曰子吾之師表也既而前至袁閬所未及勞問

勞力到翻

逆曰子國有顏子寧識之乎

賢曰顏子顏回也閬汝南汝陽人

閬曰見

吾叔度耶

黃憲字叔度

是時同郡戴良才高倨傲而見憲未

嘗不正容及歸罔然若有失也其母問曰汝復從牛醫

兒來耶

復扶又翻下同

對曰良不見叔度自以為無不及既覩

其人則瞻之在前忽然在後

論語顏回慕孔子之言

固難得而測

矣陳蕃及同郡周舉嘗相謂曰時月之間不見黃生則

鄙吝之萌復存乎心矣

自朔至晦為一月三月為一時賢曰吝貪也余謂作事可卑賤

者謂之鄙作事可羞恨者謂之吝

太原郭泰少遊汝南

少詩照翻

先過袁閔

不宿而退進往從憲累日方還或以問泰曰奉高之器

譬諸汎濫雖清而易挹

賢曰奉高閔字也爾雅側出汎泉正出濫泉汎音軌濫音檻易

以政翻

叔度汪汪若干頃陂澄之不清清之不濁不可量

也

賢曰清混也量音良

憲初舉孝廉又辟公府友人勸其仕憲亦

不拒之暫到京師即還竟無所就年四十八終

范曄論曰黃憲言論風旨無所傳聞然士君子見之

者靡不服深遠去玼吝

速于願翻賢曰玼音此說文曰鮮色也據此文當為疵作

玼者古字通也

將以道周性全無德而稱乎

賢曰道周備性全一無德而稱

言其德大無能名焉

余曾祖穆侯

賢曰晉書曰范汪字玄平安北將軍汪生甯甯生泰泰生

曄以為憲隤然其處順

賢曰易繫辭曰夫坤隤然示人簡矣隤柔順貌音大回翻

處昌呂翻

淵乎其似道

賢曰老子曰道冲而用之或不盈淵乎其似萬物之宗言深而不可測

也淺深莫臻其分

分扶問翻

清濁未議其方

賢曰方所也

若及

門于孔氏其殆庶乎

賢曰易繫辭曰顏氏之子其殆庶幾乎殆近也

二年春正月旄牛夷反

前漢旄牛縣屬蜀郡後漢屬華陽國志旄牛縣在印萊山表

益州刺史張喬擊破之

夏四月戊子爵乳母王聖為

野王君 北匈奴連與車師入寇河西議者欲復閉玉

門陽關以絕其患

賢曰玉門陽關二關名也在敦煌西界皆在敦煌龍勒界復扶又翻下同

敦煌太守張璠上書曰

敦煌徒門翻

臣在京師亦以為西域宜

棄今親踐其土地乃知棄西域則河西不能自存謹陳

西域三策北虜呼衍王常展轉蒲類秦海之間

賢曰大秦國在

西海西故曰秦海余按蒲類海在唐庭州界蓋此時北匈奴雖微弱然東畏鮮卑不敢還故地但結連車師鄯

善以擾河西故呼衍一部常為河西患若賢注以大秦
海西之國為秦海則約言之耳西海廣遠甘英之不能
越北匈奴兵威所未嘗役屬言展轉
二海間特當時上書者張言之耳
專制西域共為寇

鈔今以酒泉屬國吏士二千餘人集昆侖塞

賢曰前書
敦煌郡廣

至縣有昆侖障宜禾都尉居也廣至故城在今瓜州常
樂縣東注又見四十五卷明帝永平十七年與此稍異

先擊呼衍王絕其根本因發鄯善兵五千人脅車師後

部此上計也若不能出兵可置軍司馬將士五百人四

郡供其犂牛穀食出據柳中此中計也

四郡武威酒泉
張掖敦煌賢曰

柳中今西州縣余按西域傳柳中在後部金蒲城之北
去交河城八十里杜佑曰唐平高昌以田地城為柳中

縣鄯上

如又不能則宜棄交河城收鄯善等悉使入塞

此下計也朝廷下其議

鄯上扇翻
下遐稼翻

陳忠上疏曰西域內

附日久區區東望扣關者數矣此其不樂匈奴慕漢之

效也

數所角翻
樂音洛

今北虜已破車師執必南攻鄯善弃而

不救則諸國從矣

言從北
匈奴也

若然則虜財賄益增膽執益

殖

賢曰殖
生也

威臨南羌

即湟中及
南山諸羌

與之交通如此河西四

郡危矣河西既危不可不救則百倍之役興不訾之費

發矣

毛晃曰訾之為言量也不訾
謂無量可比也訾子斯翻

議者但念西域絕遠

卹之煩費不見孝武苦心勤勞之意也方今敦煌孤危

遠來告急復不輔助內無以慰勞吏民

勞力到翻

外無以威

示百蠻國減土非良計也臣以為敦煌宜置校尉按

舊增四郡屯兵以西撫諸國帝納之于是復以班勇為

西域長史

賢曰西域都護之長史也余按班超未為都護亦為將兵長史敦煌徒門翻復扶又翻下同

將兵五百人出屯柳中

秋七月丹陽山崩

丹陽郡屬揚州

九月郡國五雨水

冬十月辛未太尉劉愷罷甲戌以

司徒楊震為太尉光祿勳東萊劉熹為司徒大鴻臚耿

寶自候震

候見也

薦中常侍李閔兄于震曰李常侍國家

所重欲令公辟其兄寶唯傳上意耳

賢曰言非已本心傳在上之意

震

曰如朝廷欲令三府辟召故宜有尚書敕寶大恨而去

執金吾閭顯亦薦所親于震震又不從司空劉授聞之

即辟此二人由是震益見怨時詔遣使者大為王聖修

第中常侍樊豐及侍中周廣謝憚等更相扇動傾搖朝

廷

為于偽翻憚于粉翻更工衡翻

震上疏曰臣伏念方今災害滋甚百

姓空虛三邊震擾

三邊東西北也

帑藏匱乏

帑它朗翻藏狙浪翻

殆非社

稷安寧之時詔書為阿母興起第舍合兩為一連里竟

街

賢曰合兩坊而為一宅里即坊也

雕修繕飾窮極巧伎

伎渠綺翻

攻山採

石轉相迫促為費巨億周廣謝惲兄弟與國無肺腑枝

葉之屬

府與肺腑同

依倚近倖姦佞之人與之分威共權屬託

州郡

屬之欲翻

傾動大臣宰司辟召承望旨意招來海內貪

汙之人受其貨賂至有臧錮棄世之徒

賢曰有臧賄禁錮之人余謂棄

世者見棄于世也

復得顯用白黑渾淆清濁同源天下謹謹為

朝結譏

渾戶本翻謹許元翻為于偽翻朝直遙翻

臣聞師言上之所取

師言衆言

也財盡則怨力盡則叛怨叛之人不可復使唯陛下度

之復扶又翻上不聽鮮卑其至韃自將萬餘騎攻南

匈奴于曼栢莫韃日逐王戰死殺千餘人

韃居言翻
莫于六翻

十二月戊辰京師及郡國三地震陳忠薦汝南周燮

南陽馮良學行深純

行下孟翻

隱居不仕名重于世帝以玄

纁羔幣聘之

玄黑色纁淺絳色周官考工記曰三入為纁爾雅三涂謂之纁孔頴達曰束帛十端

也端則二丈十端六玄四纁五兩三玄二纁纁是地色
玄是天色賢曰禮卿執羔董仲舒春秋繁露曰凡贄卿
用羔羔有角而不用執之不鳴殺之不哽類死義
者羔飲其母必跪類知禮者故以為贄纁許云翻燮宗

族更勸之曰夫修德立行所以為國

更工衡翻行下孟翻為于偽翻

君

獨何為守東岡之陂乎

變居汝南安城有先人草廬結于岡畔下有陂田常肆勤以自

給
變曰夫修道者度其時而動動而不時焉得亨乎

賢曰

亨通也書曰慮善而動動惟厥時度徒洛翻焉于虔翻

與良皆自載至近縣稱病

而還

三年春正月班勇至樓蘭以鄯善歸附特加三綬

三綬疑當

作王綬綬音受

而龜茲王白英猶自疑未下

龜茲音丘慈

勇開以恩

信白英乃率姑墨溫宿自縛詣勇因發其兵步騎萬餘

人到車師前王庭擊走匈奴伊蠡王于伊和谷

蠡音黎

收

得前部五千餘人于是前部始復開通

復扶反翻

還屯田柳

中二月丙子車駕東巡辛卯幸泰山三月戊戌幸魯

還幸東平至東郡歷魏郡河內而還

還從宣翻又如字

初樊

豐周廣謝惲等見楊震連諫不從無所顧忌遂詐作詔

書調發司農錢穀大匠見徒材木

調徒弔翻見賢遍翻

各起冢舍

園池廬觀役費無數

觀古玩翻

震復上疏曰臣備台輔不能

調和陰陽去年十二月四日京師地動其日戊辰三者

皆土位在中官

賢曰戊干辰支皆土也并地動故言三考異曰震傳作十一月四日按下

文其日戊辰十一月丙申朔戊辰乃十二月四日也

此中臣近官持權用事之象

也臣伏惟陛下以邊境未寧躬自菲薄宮殿垣屋傾倚

枝柱而已

賢曰倚邪也柱音竹柱翻

而親近倖臣未崇斷金

賢曰易繫辭曰

二人同心其利斷金言邪佞之人不與上同心近其靳翻斷丁亂翻王肅丁管翻

驕溢踰法多

請徒士盛修第舍賣弄威福道路謹譁地動之變殆為

此發

謹許元翻為于偽翻下同

又冬無宿雪春節未雨百僚焦心而

繕修不止誠致旱之徵也惟陛下奮乾剛之德棄驕奢

之臣以承皇天之戒震前後所言轉切帝既不平之而

樊豐等皆側目憤怨以其名儒未敢加害會河間男子

趙騰上書指陳得失帝發怒遂收考詔獄結以罔上不

道

結者結定其罪

震上疏救之曰臣聞殷周哲王小人怨詈則

還自敬德

賢曰尚書無逸之辭還反也敬德加謹以增脩其德也

今趙騰所坐激

訐謗語為罪與手及犯法有差乞為虧除全騰之命

虧減

也訐居揭翻

以誘芻蕘與人之言

賢曰與衆也詩曰詢于芻蕘左氏傳曰聽與人之謀

也誘音酉

帝不聽騰竟伏尸都市及帝東巡樊豐等因乘輿

在外競修第宅

系繩證翻

太尉部掾高舒召大匠令史考校

之

漢公府諸曹掾各有分部賢曰史謂府史也余按漢諸官府各有令史

得豐等所詐下

詔書具奏須行還上之

須待也待車駕行還上言其事下追掾翻上時掌翻

豐等

惶怖

怖普布翻

會太史言星變逆行遂共譖震云自趙騰死

後深用怨懟

賢曰懟怨也音直類翻

且鄧氏故吏有恚恨之心

賢曰

震初鄧騭辟之故曰故吏恚于避翻下同

壬戌車駕還京師便時太學

賢曰且于

太學待吉時而後入也故曰便時前書便時上林延壽門杜佑曰便時取日時之便

夜遣使者策

收震太尉印綬震于是柴門絕賓客

柴塞其門也

豐等復惡

之復扶又翻惡令大鴻臚耿寶奏震大臣不服罪懷恚

烏路翻下同

望有詔遣歸本郡

震弘農華陰人

震行至城西夕陽亭

雒陽城西也

乃慷慨謂其諸子門人曰

賢曰慷慨悲歎余謂慷慨不得意而見于辭色也

死

者士之常分

分扶問翻

吾蒙恩居上司疾姦臣狡猾而不能

誅惡嬖女傾亂而不能禁

嬖卑義翻又必計翻

何面目復見日月

復扶又翻下同

身死之日以雜木為棺布單被裁足蓋形勿歸

冢次勿設祭祀因飲酖而卒弘農太守移良

風俗通曰齊公子雍

食邑于移其後氏焉

承樊豐等旨遣吏于陝縣畱停震喪露棺道

側謫震諸子代郵行書

說文曰郵境上行書舍也廣雅曰郵驛也此言使震諸子代驛

吏傳行文書也陝失冉翻

道路皆為隕涕

為于偽翻

太僕征羌侯來歷曰

征羌侯國屬汝南郡光武以歷曾祖歆有平羌隴之功改汝南當鄉縣為征羌國以封之賢曰征羌故城在今

豫州鄆城縣東南

耿寶託元舅之親榮寵過厚不念報國恩而

傾側姦臣傷害忠良其天禍亦將至矣歷歆之曾孫也

歆計及翻

夏四月乙丑車駕入宮

戊辰以光祿勳馮石

為太尉南單于檀死弟拔立為烏稽侯尸逐鞮單于

鞮丁奚翻時鮮卑數寇邊

數所角翻下同

度遼將軍耿夔與溫禺犢

王呼尤徽將新降者連年出塞擊之還使屯列衝要

衝要

者當敵之衝邊之要地也賢曰還令新降者屯列衝要降戶江翻

耿夔徵發煩劇新降

者皆怨恨大人阿族等遂反

阿族者新降一部之大人也

脅呼尤徽

欲與俱去呼尤徽曰我老矣受漢家恩寧死不能相隨

衆欲殺之有救者得免阿族等遂將其衆亡去中郎將

馬翼與胡騎追擊破之斬獲殆盡

賢曰殆近也欲死盡所餘無幾

日

南徼外蠻夷內屬

徵吉弔翻

六月鮮卑寇玄菟

庚午閏

中山崩

閩中縣屬巴郡賢曰臨閩中水因為名今隆州縣宋白曰閩水紆曲經其三面縣居其中取

以名之

秋七月辛巳以大鴻臚耿寶為大將軍 王聖

江京樊豐等譖太子乳母王男尉監邴吉等殺之

尉監主飲

食家屬徙比景太子思男吉數為歎息

偽為于翻

京豐懼有

後害乃與閭后妄造虛無構讒太子及東宮官屬帝怒

召公卿以下議廢太子耿寶等承旨皆以為當廢太僕

來歷與太常桓焉廷尉健為張皓議曰

健居言翻

經說年未

滿十五過惡不在其身且男吉之謀太子容有不知宜

選忠良保傳輔以禮義廢置事重此誠聖恩所宜宿留

賢曰宿留猶停留也音秀溜

帝不從焉郁之子也

郁桓崇之子

張皓退復

上書曰昔賊臣江充造構讒逆傾覆戾園孝武久乃覺

寤雖追前失悔之何及

事見二十三卷武帝征和二年三年

今皇太子方

十歲未習保傅之教可遽責乎書奏不省

省悲景翻

九月丁

酉廢皇太子保為濟陰王居于德陽殿西鍾下

漢官儀曰崇玄

門內德陽殿也按帝紀德陽殿在北宮掖庭中蔡質漢儀曰正月旦天子幸德陽殿臨軒公卿將大夫百官各陪朝賀蠻貊胡羌朝貢畢見屬郡計吏皆謁宗室諸劉雜會又曰德陽殿周旋容萬人陛高二丈皆文石作壇激沼水于殿下天子正旦節會朝百僚于此濟子禮翻

來歷乃要結光祿勳殺諷

宗正劉瑋將作大匠薛皓侍中閭丘弘

閭丘複姓左傳齊有閭丘嬰

陳光趙代施延太中大夫九江朱偃等十餘人

要一遙翻殺丁

外翻又丁活翻偃丑羊翻

俱詣鴻都門證太子無過帝與左右患之

左右近習也

乃使中常侍奉詔脅羣臣曰父子一體天性自

然孟子曰父子之道天性也

以義割恩為天下也

偽翻為于

歷諷等不識

大典而與羣小共為謹譁外見忠直

見賢遍翻

而內希後福

飾邪違義豈事君之禮朝廷廣開言路故且一切假貸

若懷迷不反當顯明刑書諫者莫不失色薛皓先頓首

曰固宜如明詔歷怫然

賢曰字林怫鬱也音扶勿翻余謂怫然憤鬱之見于色者

廷

詰皓曰屬通諫何言而今復背之

賢曰屬近也通猶共也近者共諫何乃相

背也屬之欲翻復扶又翻背蒲妹翻

大臣乘車處國事固得輾轉若此

乎

賢曰輾轉不定也詩曰輾轉反側處昌呂翻輾音展

乃各稍自引起歷獨守闕

連日不肯去帝大怒尚書令陳忠與諸尚書遂共劾奏

歷等帝乃免歷兄弟官削國租

削其征羌國租也劾戶縣翻又戶得翻

黜

歷母武安公主不得會見

武安公主顯宗女也武安縣屬魏郡見賢遍翻

隴

西郡始還狄道

永初五年隴西徙襄武

燒當羌豪麻奴死弟犀


苦立 庚申晦日有食之 冬十月上行幸長安十一
月乙丑還雒陽 是歲京師及諸郡國二十三地震三

十六大水雨雹

雨于
具翻



資治通鑑卷五十



總校官庶吉士臣侍朝

校對官修撰臣張書勲

謄錄監生臣宋鐸